

دار الفنون

جہوں فافولتہ محمدیہ

مفوق ، اقتصادیات

ایکی آیمہ بر نشر اولنور

مندرجات

قسم مفوقی :

اسویچہ قانون مدنیسنہ نظراً اودونج ویرمک حاجی عادل
جمیت اقوام وثیقہ لری (ادیب بک طرفندن ترجمہ ایدلمشدر)

قسم اقتصادی :

ملی اقتصاد نظریہ سی محمد منیر
عثمانلی استقراض لری ابراہیم فاضل

ملى اقتصاد نظريهسى

(مابعد) [۱]

ملت، بشريتك سائر اقسامدن كندىنى آيىران خصوصيتلره مالكدور. بر شخصيت مستقله صاحبي اولان بوكتله نك كندىنه خاص وديكر ملتلك منافعى ايله تضاد تشكيل ايدى بيله جك منفعتلى واردر كه بونقطه نظر قلاسيك اقتصادده مشاهده ايدىان قوزمو بوايتىزم فكرى نى ايدر. بوندن ماعدا، بوعضويت مستقله قلاسيك مكتب سالكلىرىنىك تحليل ايتدكلىرى كى تحجر ايتىش وثابت بر حال ابراز ايتىز. بالعكس دائما حر كنده در. بسلطان مركبه، متجانسدن غير متجانسه دوعرى تكمل و كيتدكه كسب خصوصيت ايدن مغلق بر تقسيم اعمالك ساحه تجلىسىدر. بناء عليه، سینه سنده دوغان تكميل حادثات و مؤسسات اقتصاديه ده بالطبع دكشیرلر و بو حادثات آره سنده كوروان ضرورى مناسبتلر، يعنى قانونلر مثلاً فیزیک قانونلری كى ثابت اولوب متحولدرلر. فیزیک قانونلری ابدى وازلى اولان طبیعت اشیا دن متولد بواندقلى حالده اجتماعى قانونلر زمان ايله دائما دكشن طبیعت جمعیت دن دوغارلر. اقتصادى قانونلر آمپریدرلر. دائما بر قطعیت ریاضیه افاده ایدن فیزیک قانونلرینه قطعياً بکزه تیله مزلر. حتی بونلره قانون اسمنى بيله ویرمك دوعرى دكلدر. نهایت بر تمایل معانسنده آلته بیلیرلر. خلاصه، هرشی دكشمكده در. بناء عليه هرشی نسبی در. مؤسسات اقتصادی و حادثات اقتصادی آره سنده كى نسبتلرده زمان و مكانه كوره تحول ايدر. بناء عليه استدلالی اصول ايله، دكشمه یں مؤسسات و بتون انسانیت شامل بسیقولوژیك اساسلر تحری ایتك و بواساسلری استعمال ایدره كرك ماضی به كرك حال حاضره عائد تكمیل حادثات اقتصادی بی ایضاحه قالمق نه ممكندر ونه ده شایان آرزودر. فقط بونقطه نظری مدافعه ایدیشیمزدن بشریته مخصوص تكامل تاریخی قانونلری ده انكار ایتدیكمز ا كلاسیكلامسین. بزهر جمعیتك بر جوق تكامل صفحه لری كچیردیكنه قانعز. فقط علوم حاضره نك سوبه سی بو تكامل صفحه لرینك تابع بولدینى قانونلری كشف ایتكدن چوق اوزاق در. ایشته اجتماعی حادثاتی تام معناسیله علمی بر طرزده تحلیل و تثبیت ایتكه شیمدیلك ممكن اولدیغنه قانع

[۱] برنجی قسى ۱۶ صاییلى نسخده.

بولنديغمز ايجوندرکه صاعلام اساسلر اوزرينه قورولمش بر علم اقتصاد اجتماعي نك وجودي قبول ايدميورز . مانلری برر عضويت مستقليه بکزه تن نظريه دن متولد نتایج مهمه يي اكمال ايمه دن اول شونی ده علاوه ايدم که اقتصادي حادثاتك ، حادثات سائر ايله اولان صیقي روابطی دائما اونوته ملی یز . اقتصاد نه اخلاق ونه ده قوانین موضوعه فوقنده در . او حالده هر ملته خاص اولان حادثات اقتصادیه يي نصل تدقیق ایتلی یز؟ بونك ايجون هانکی اصوله مراجعت ایتك لازمکلیز؟ هر تدقیق علمی نك اصولی ، موضوع تدقیق اولان مباحثك نوعی و واصل اولق ایسته نیلن غایه ايله علاقه دارد . مل اقتصادك موضوعنده دائما حل تکاملده بولنان وبر زمان و مکان ايله مقید اولان حادثات اقتصادیه تشکیل ایدر . یز ، نه طبیعت و جمعیت بشره عائد ایدی اساسلر تثبیت ایتك ونه ده ازلی قانونلر و ایلاک پرنسیپلری بولق آرزو-سند یز . بزم هدفز ایچه تحدید ایدلش بر ساحه داخلنده بر نوع علل و اسبابی تثبیت ایتکدن عبارتدر . بناء علیه بوکبی تدقیقات ايجون اك موافق اصول مثبت علملك قوللاندیغی اصولدر . فی الحقیقه بزده علوم طبیعیده اولدیغی کبی (۱) غایت دوعری مشاهده بولمق (۲) حادثاتی تحدید و تعریف ایتك (۳) علل و اسبابی ایضاح ایتك ایسته یورز . طبیعت عمومیه بشرده تجلی ایدن بو حادثیه يي ویا هیچ دیکشمین ایدی بر جمعیت تدقیق ايجون استدلال اصولی اك موافقدر . زیرا مذکور اصولی بو لایتنیر طبیعت ویا جمعیتده ، یابه جفی محاکمه منطقیه غایت مساعد اساسات عمومیه کشف ایدمیلیر . حالبوکه مختلف حادثات اقتصادیه نك اوصاف ممیزه سی تثبیت ویکدیگرینه مربوط اولان بو حادثه لر آره سنده کی مناسباتی تقریر ايجون بو حادثه لرک جمله سی کمال دقت و بی طرفیه تدقیق ايجاب ایتدیکندن کی پرنسیپلره مراجعت دوعری دکلددر . یعنی خصوصیتدن عمومیه کیتك افاده دیکرله استقراتی اصولی تطبیق ضرورتی واردر .

بوتون بو ملاحظاندن مقصدیمز ، ملی اقتصاد ايله قلاسیک اقتصاد آره سنده کی مهم فرقلری کوسترک غایه سیله ملی اقتصادك بارز اوصافی تثبیت ایتك اولدیغندن ملی اقتصادك اساساتی تشکیل ایدن عمومی پرنسیپلردن متولد ایکنجی درجه ده کی نتایج ايله مشغول اوله جق دکلز . بوایکی مسلکك فرقی بعضی سطحی کورنلرک ظن ایتدکلی کبی يك اهمیتسز و تفرعانه عائد شیلر دکلددر . او قدرکه هرایکی طرفك الك جالب دقت اساسلری قارشیلانلیر یلنجه بونلری تألیف ایتمک عذیم الامکان اولدیغی کوریلیر . بونلرک استناد ایتدکلی فلسفی

و علمی پرنسیپلر یکدیگر برینه مخالف بولند قلمری ایچون بو پرنسیپلردن استخراج ایدیلان تمامیه اقتصادی نظریاتنده یکدیگر برینه ضد اولسی طبیعی در .

ملی اقتصاد تدقیقاتی دیمک ، معین بر ملنک معین بر زمانده کی اقتصادی حادثاتنک تمامیه بر تکاملجی و تاریخیجی ذهنیتله و علوم طبعیه جه مرغوب اولان یعنی شائی و مثبت بر اصول داخلنده تدقیقی دیمکدره . حالبوکه قلاسیک اقتصاد ، حادثات اقتصادی بی فردی ، زمان و مکان قیدلرینه تابع طوتمق سزین و تمامیه راسیونالیت بر ذهنیت و ریاضی بر اصول ایله تدقیق ایدر .

بزظن ایدیورز که قلاسیک اقتصاد ایله ملی اقتصادک فرقلرینی صراحتله تنبیت ایده بیلیمک ایچون هرشیدن اول منحصر آ اقتصادی نظریاتی یکدیگر برله مقایسه دن زیاده فلسفه تکامل ایله فلسفه عقلیه نك خطوط اساسیه سی ، تکمیل عواقبی مقایسه ایتک دهادوغری و مشردر . چونکه شمديه قدر ویرمش اولدیغمز ایضا حاندن آکلاسیلدینی اولدینی وجهله بوا یکی اقتصادی مفهوم بوا یکی فلسفه ایله پک یقیندن علاقه داردر لر .

*
* *

شمی مخالفلرک افکار و دلائلی کوزدن کچیره لم :

بز قلاسیک اقتصاددن تمامیه فرقلی و اقتصادی ملی نامی آتنده یکی بر علم اقتصادک موجودیتی قبول ایتیهورز . بز اقتصاد ملی بی ده ا زیاده بومفهومه وجود ویرن ملنک یعنی آلمانلرک مزاج و تکامل سیاسی و اجتماعیلرینک بالضروره وجوده کتیردیکی بر تمایل عد ایدیورز . بناء علیه بویکی اقتصاد مفهومک تکمیل عناصرینی سیاسی و اجتماعی اسباب ایله ایضاح ایتک قابلدر . بز فکر مزه کوره بومفهوم علم اقتصادک بر علم حالنده تکامل طبعیسندن حصوله کلش دکدر . سیاسی تعبیرینه اک شمولی معنایی ویرمک قیدیه کندی مملکتلرینه خاص بر طاقم اسباب سیاسیه نك تحت تضیقنده آلمان مقتصدلری علم اقتصاد ملی بر شکل ویرمک مجبوریتنده قالمشدر . [۱] بونقطة نظری می تأیید ایچون آلمانیانک تکامل ملیسی صفحاتی خلاصه کوز کچیرمک کافیدر .

[۱] « آلمانلرک صوک وقایع سیاسیه سنک آلمان مقتصدلرینی ملیتجیلکه سوق ایدیکی غیر قابل اشتباهدر » (اقتصاد پرنسیپلری . جلد ۱ صحیفه ۹۱-مارشال) عینی مسئله ایچون ، آلمان مکتب اقتصادیسنه پک تمایل و بناء علیه سوزلری ده ا قوتلی عد ایدلسی لازمکن کیلوم دوغره فک اقتصاد اجتماعیسنه مراجعت اولنه صحیفه ۱۲ .

اون آلتنجی عصرده آلمانیا بویوک بررقاه ایچنده ایدی. آلمان مدنیق فرانسز، ایتالیان و اسپانیا مدنیته عفی سویده بولنیوردی. و ویلیتج ۱۶۰۳ تاریخلرنده آلمانیا نك مدنی آوروپا افکارینه حاکم بر موقعه بولندیقی. سوویه یور. ۳۰ سنه محارباسی (۱۶۱۸ - ۱۶۴۸) بو مکمل مدنیق تمامیه تخریب ایتشدر. و ستفالیه صلحندن سوکره آلمانیا ده کویلرده کویلده زیاده وحشی حیواناته تصادف ایدلمکده ایدی. مملکت نفوسنك دردنده اوچنی ضایع ایتشدی. بو وضعیتک سیاسی و اخلاقی نتایجی ده آاز وخیم دکلدی. مقدس آلمان ایمپراطورانی آلمان آراضیسی پارچه لایان یوزلرجه کوچوک حکوماتی تحت تحکمنده طوته بیله جک قدرندن محروم بولنیوردی. بومنحوث محاربه تمام برحق عصر آلمان ملتک تکامل طبیعه نه مانع اولدی. بوانلارده آلمانیا نك معناً عرض ایتدیکی وضعیتی شو صورتله تصویر ایده بیلیرز: شدتلی بر ملی حیاتک فقدانیه بناء ملی حسابات تمامیه سونمشدی. ره فورم نتیجه سی وحدت اخلاقیه قالماشدی. خلق ده متقابل معاونت و حسن تساند نامنه برشی یوقدی. بونک یرینه مطلق و خودبینانه بر فردجیلک هراساحده حاکم ایدی. کرک یوکسک کرک آشاغی صنفله منسوب حلقه اخلاق عقیده لری صوک درجه ضعه اوضراشدی. هرکس ذلیلانه برانقیاد ایله اجنبیلری بالخاصه فرانسز لری تقلید ایله مشغولدی. ده امدهشی آلمان لسانی یالکز آشاغی طبقهیه منسوب خلق ایله خدمتجیلر طرفندن تکلم ایدلمکده ایدی. خلاصه ۱۷ نجی عصرده آلمانیا اخلاقاً سیاستاً و اقتصاداً برانهمز نام حالنده ایدی [۱] فقط ژرمن عرقنك خارق العاده قدرتی بومدهش تجربه ده غالب چیقدی.

بوانلارده، دیگر صنفلرک هپسندن ده امنور اولان بورژووازی نك کوزی آجیلدی. واسکی سقولاتیک فلسفه یرینه عقل اوزرینه مستند یکی بر فلسفه احتیاجی دویدی. ده قارت، بایل، ترجمه و تفسیر ایدلمکده باشلانیدی. قره ستیان و ولف سقولاتیک فلسفه نه بیوک بر ضربه ووردی. و فنك محصول اولان راسیونالیزم فلسفه سی یواش یواش آلمانیا ده انتشار ایتمهکده باشلادی. و بو تکامل بلافاصله بوتون اون سکیزنجی عصرده دوام ایتدی. اصل شایان دقت اولان نقطه بو حرکتک عادتاً ذی حیات موجوداتک غیر شعوری برطرزده نشوونما بولماسنه مشابه برطرزده وقوع بولمش اولمیسدر. آلمانیا اوزون برمدت انکلیز و فرانسز مدنیتلرینی ایجه تمثیل ایتدکدن سوکره اون سکیزنجی

عصرک نهایتلرنده فکرآ مستقل بر مات اوله رق یشامق قدرتی کندنده حس ایتدی و بو تاریخه قدر غیر شعوری بر طرزده دوام ایدن تکامل مدنی بوندن صوکره شعورلی و ملی بر ماهیت اکتساب ایتدی . آلمانیا کندینی آکلایور و طویالایور ، کندنی مزاج خصوصیتنه مغایر و دوغمق اوزره اولان عضویت ملیه‌سی ایچون مضر نه وارسه هپینی آتمغه باشلایوردی .

ایشته بز بو تاریخدن اعتبارآ اقتصاد ملی عناصرینک آلمانیاده تجلی ایتمکه باشلادیغی کوریورز . معلوم اولدیغی اوزره بالخاصه فرانسه‌ده کی شکلیله اون سکرنجی عصرک فلسفه عقلیه‌سی تمامیه منفی ، مخالف عنعنه ، ری بر عقیده فلسفیه ایدی . غایه‌سی انسانی هر درلو تحکمدن قور تارمقدی . بو فلسفه ، تاریخی ، عنعنه‌یی ، دینی ، دولت اساساتی ، قوانین موضوعه‌یی اخلاقی مناقشه و تحلیل ایدیور و کندنی نقطه نظریه مخالف بولدیغی هر شیئی بی لزوم عد ایدیوردی . بناء علیه تکامل ملی نامنه بو زهرلی فلسفه ایله مجادله مجبوری واردی . و بو وظیفه‌یی اک مکمل و مؤثر بر طرزده قانت ایفا ایتدی . قانت اولو وولفک هر شیئی ، حق اوصاف الهیه‌یی بیله دلائل هندسیه ایله حله چالیشان تمامیه عقلی فلسفه‌سی بیقدی و « عقل محضک تنقیدی » (۱۷۸۱) اسمنده کی کتابیله عصرک راسیونالیستلرینه کوره نامتناهی بر قدرته مالک عد ایدیلان « عقلک » حدود و موقعی تعیین ایتدی . بر قاج سینه صوکره یازدیغی « عقل عملیک تنقیدی » ایله ده اخلاقیاتک علوی وظیفه‌نک قدسیتی ، وجدانک مطلق بر قیمتی حائر اولدیغی حس ایتدیردی . فلسفه عقلیه‌نک یک طبیعی نتایجی تشکیل ایدن « ده ترمنیزم » ، مادیحیلک ، فردجیلک کی سنجیه‌لری ضعفه اوغر اتان و ملی حسیانک انکشافه مانع اولان عقیده‌لری بر طرف ایتدی . قانتک اک حرمتکار تلیدلرندن بری اولان فیخت دیورکه « عقل عملی تنقیدی اوقودیغ زماندنبری باشقه بر علمده یشایوردم . شیمدی به قدر بنم ایچون غیر قابل تزلزل برر حقیقت فرض ایتدیکم بر جوق فکر لرم تزلزله اوغرادی . مطلق بر حریت ، وظیفه الخ کی اثبات ایدملری محال ظن ایتدیکم فکر لر ثابت اولدی . وظیفه کله سنک بوتون لغت کتابلرندن طی ایدیلدیکی ، اخلاقیات پرئسیدلرینک کوکندن بالطالاندیغی بر عصر ایچون یونه بویوک نعمتدر . [۱]

قانتک بویکی فلسفه‌سی تکامل ملی ایجابانیله هم آهنگ اولمقله قالمایوب اوکا سالم و متین

[۱] « فرانسر اختلال کبیرینه دائر ملاحظات مدخل صحیفه ۹ » فیخته

اساسات احضار ایتش بولئوردی . فی الحقیقه بالاده ایضاح ایتدیکمز اوزره فلسفه عقلیه معطی لری ایله قوتلی برملت وجوده کتیرمه امکان یوقدی . فقط بویکی فلسفه ده ، فعلیاتی قلیجه اوضراتان برده ترمیزم برینه قائم اولان حریراراده و فوق العاده خودبین برنفع جیلکک برینی اشغال ایدن مطلق بر وظیفه حسی کبی عوامل سایه سنده فیخت لر ایشنانیلر و پروسیا قرالری خلق اوزرینه مهم تأثیر لر اجرا ایدم بیله جکلردی .

تکامل ملینک بالضروره تولید ایتدیکی دیگر بر جریان ده اون سکزنجی عصرک صوک سته لرنده شدنه تظاهر ایدن رومانیزمدر . رومانیزمکلر فلسفه ده دوشربدن دوشری به قانتک مسلکله طرفدار بولئور ایدیلر . چونکه وقتی کچن راسیونالیزم ، و اختیار لامش اولان نه نه لکتو آلیزمه قارشی حال عصیانده ایدیلر . [۱] قنک موفقیهاتی انکار ایتمه یورلردی . قانتده انکار ایتمه یوردی . لکن یالکیز حقیقه واصل اولق ایچون محاکات نظریه نیک یکانه واسطه اولدیغنی قبول ایتمه یورلردی .

شرائط سیاسیه و اقتصادیه سی اعتباریله آلمانیه مشابه بر موقعده بولنان و بناء علیه بزم مدعیانری اثبات و تأیید ایدم جک دلائل مثبته تأمین ایدم جک اولان دیگر بر مماسکتده یعنی آمریقا ده دخی عینی سیاسی ، اجتماعی و اقتصادی اسبابک عینی نتایج تولید ایتش اولدقلرنی کوره جکیز :

معلوم اولدینی اوزره ، آمریقایلر اون سکزنجی عصرک نهایترینه دوشرو انکلیزلرک معاونتیه فرانسلری قنادن اخراج ایتدیلر . فقط بو تشبث عسکریدن آمریقایلرک هیچ بر استفاده سی اولمادی . یکانه مستفید اولان انکلتزه ایدی . بو وقعه نیک ، نتایج مغنوبه سی ، روح ملت اوزرنده حصوله کتیردیکی تأثیرات پک بویوک اولدی . ایملک دفعه بر ملت صفتیه دیگر بر ملت اوزرنده تأمین ظفر آمریقایلرک مغنویاتی یوکسملندی بو حرب ایله قوه ماده و مغنوبه لرینی اولچدیلر ، آکلادیلر . و کندیلرنده بر دوات اولارق حر یا شامق آرزوسی قوتلندی . وجدان ملینک اویانماسی دیمک اولان بو حادثه عظمادان صوکره انکلتزه نیک حاکمیت سیاسیه و اقتصادیه سی آمریقایلره آغیر کلکه باشلادی . بو اثنا ده ، انکلیزلرک ، اهالی محلیه نیک رأیی آلمان آمریقایه وبرکی طرحنده بولنملری کبی حد داننده پک شایان اهمیت اولیان بر حادثه ، روح ملتده اویویان حسیاتک فورانی و بو غلبانده استقلال محاربه لرینی تولید ایتدی . آمریقا اهالی سنده انکلتزه یه قارشی درین بر

حدث اویاتمی بوقالی محاربه لک ضروری نتیجه‌سی اولدی. ایشته بوحسک سوقیه درکه بر مدت صوکره آمریکا سیاسیون و غزته جیلرندن بر چوقلری هر ساحده انکلیز لک علمینده بولمغه باشلادیلر. هامیلتون (۱۷۹۱)، دانیل رایموند (۱۸۲۰) فیلپس بومیانه داخلدرلر. بونلردن بری فولتون سمیت، ریفاردوو مالطوسک ملل سائر بی محو ایتک ایچون پاره آلدقلمنی ادعا ایدمک قدر انکلیز اقتصادیاتنه قارش اظهار اغبرارده تردد ایتهدی. (لیستک افکاریه شایان دقت بر مشاهیت) بالخاصه سیاسی واجتماعی سوانتک تأثیریه بو عمومی کین و هجومک ساحه اقتصادیاتده کی تجلیسندن بشقه برشی افاده ایتمین سمیت و مکتبته یاپیلان بو تعرضلر عینی اسبابک شرائط متساویه داخلده عینی نتایجی تولید ایتهدی ضروری اولدینی حقیقی بزه برداها کوستریور. فی الحقیقه آرزوی استقلال، مهیب، مرفه بر آمریکا وجوده کتیرمک ایچون کوچوک حکومتلرک اتحاد ایتملری لزومی، بونا پارطک اعلان ایتدیکی بلوکوس قونینتانتال سایه‌سنده تأسس ایدن صنایع ملی بی داها مترقی اجنبی صنایعنه قارش حمایه آرزوسی کیی سیبلر آمریقا ده دخی عینی نتایجی تولید ایتدیلر. وآلمانیاده اولدینی کیی اقتصاد ملی قلاسیق اقتصاددن داها معتبر عد ایدلدی. شوراسی ده شایان دقتدرکه، لیست و سیستمی نه لوندرده ونده پارسده آمریقا ده کوردیکی حسن قبولی کورمه مشدر. او زمانلر، انکلتزه و فرانسه دن شهره سز علماً دون بر موقعه بولنان آمریقا ده ایسه کرمک مؤلف و کرمک مسالک اقتصادی (احوال سیاسیة مملکتته تقابل ایتمی اعتباریه، یوقسه شی بر قیمت علمیه بی حاز اولمی دولایسیله دکل. چونکه مذکور اثری اک زیاده تقدیر ایدن عمی ساحه لرده آمریقانک رفاهنی تأمین مقصدیه تشکل ایتش صنایع شرکتلری در. [۱]) بک چوق تقدیر کورم مشدر. اقتصاد ملی نک سیاسی بر جریان نتیجه‌سی تولد ایتش بر تمایل مخصوص اولدیغنی تأیید ایدن بو مثاله نظر مزده اهمیت بخش ایدن بر خصوصیت وار. اوده بو سیاسی سیبلرک اورته دن قالمیسی ایله برابر اقتصاد ملی به قارش آمریقا ده حسن ایدیلن تمایل عمومینک قطعاً اسکی قوتنی محافظه ایدمه مش اولمسیدر. - ه اون طقوزنجی عصرک وسطلرنده کرمک تعرفملری تعدیل ایدلدکدن وجون استوارث میلک، قلاسیسمی اکمال [۱] مثلاً فیلا ده لفا انک ترقی صنایعی ایچون تأسس ایتش اولان خصوصی بر جمعیت ایسته بری علمی دیگرهایالی ایچون ایی کتاب سپارش و جمعیت نامنه الی نسخه بی اشترایه اعضای کرامی دعوت ایدیور.

ایدن اقتصاد پرنسیپلری نامنده کی مشهور اثری نشر ایدلد کدن صوکره قلاسیق اقتصاد آمریقادہ تکرار اسکی حاکم موقعی اخذ ایلشدر [۱]

بونکله برابر ایضاحی موضوعز خارجنده قالان متعدد سبیلردن طولانی تمامیه فردجی اولان آنفلوساقسون مزاجنک اک واسع معناسیله تلقی ایدلملری شرطیه ، اقتصاد ملی پرنسیپلری کبی جمعیتک فردہ تحکمی مستلزم پرنسیپلره اوزون مدت تحمل ایدمه مش اولمسیده وارد خاطر اولابیلیر . نقطه نظریمیزی تأیید مقصدیله بورایه قدر سرد ایتمش اولدیغمز فکرلری خلاصه ایدلم :

حیات وطنه نک فوق العاده غایانی برزماننده یاشایان آلمان مقتصدلرینک خیالارنده ملت کلمه سی مستقل بر شخصیت حالنده تجسم ایدیور . ومقتصدلر بوخیالارینه ده ا واضح ومعین بر شکل و برمش اولق ایچون ملت کتله سنک احتوا ایتدیکی افراد آراسنده بر نوع تسویه معامله سی یاهرق بو کتله ایچون بر سطح بیله تصور ایدیورلر ! و بشریتک قسم متباقیسی ایله قاریشاماسنی تأمین ایچونده حدودینی غایت بویوک بر اعتنا ایله تعیین وشکلی اتمام مقصدیله ده ملت عضو مستقلانی عننه واسطه سیله ماضییه دوشور ووزاتاق ترومنی حس ایدیورلردی .

قیود سالفه داخلنده تحیل ایدیان ملت کلمه سی عادتاً ذهنلرده عضویت مفهومک افاده ایتدیکی مشخص و مثبت معنایی دخی غائب ایدرک فوق العضو (Suyeroigaranique) بر ماهیت اکتساب ایدیور ایدی . فوق العضو دیوروز ، چونکه اقتصاد ملی طرفدارلرینه کوره ، ملت و سیاست متشکل حالیه دولت ، نیکدیگرینه علاوه ایدمش افراددن نده بالطبع کره ارضده یاشایان بالجمله انسانلردن مرکبدر . بوتصوری شوپن هاورک ، قانتک اخلاق فلسفه سی ایچون دیدیکی کبی ، ایچسز برقابوغه تشبیه ایدم بیلیرز .

دولت نظریه سنک بو یولده تلقی سنه اک زیاده طرفدار اولان و پروسیا مونارشینسک اساس علمینی وضع ایدن هه گلدیر . هه کل دیورکه : « دولت بر وحدت مشخصه در . وظیفه سی بر دولنک اعضایی اولمقدن عبارت بولنان فردہ قارشی نامتناهی حقوقه مالکدر . فردک افاده ایتدیکی حقایق ، تمثیل ایتدیکی اخلاق پرنسیپلری آنجق اونک بر عضو دولت

اولسی صفتیله قبول ایدیله بیایر . دولتی کره ارضه اینمش بر آله کبی تقدیس ایتک ایجاب ایدر » [۱]

حسیات و ظنرورانه ایله مشبوع مه تافیزیک دماغلرک محصولی اولان بو معناده بر (ملنک) یعنی دوغمق اوزره اولان معظم آلمانیانک کندیسنه وجود و برن فردلردن غیری خصوصی بر حیاتی و بنأ علیه ، بو حیاتک مختلف تظاهراتی اولسی پک طبعی ایدی .

اقتصادیات ملت ، بو مختلف تظاهرات حیاتیه نک بر شکل مخصوصندن بشقه بر شیء دکادر . آتومست و قوزموبولیت اولان یعنی نقطه حرکتی فرد و واصل اولمق ایسته دیکی غایه بشریت اولان قلاسیق اقتصادک فوق العوضو بو موجود مطلقه مخصوص اقتصادی حادثاتی تدقیق ایدمه جکی آشکاردر . ایسته بو سببه بنأ آلمان مقتصدلری ، فردجی و قوزموبولیت قلاسیق اقتصادک یاننده برده ، نه فردک ونه بشریتک فقط منحصر آ ملنک حیات اقتصادیسنی تدقیق ایله مکلف بر ملی اقتصاد تأسیسنه لزوم اولدیغنی کیزله مه یورلر . آلمانیا ده ملی اقتصادک مؤسسی اولان فردریق ایست « ایضاح ایتمکده اولدیغ سیستمک باشلیجه وصف ممیزی ملتدر . بتم نظریه ی فرد ایله بشریت آراسنده قالان ملت اوزرینه مؤسسدر » دییور . [۳]

دولت مفهومی تثبیت ایتدی کمز شکله آ کلامقله اقتصاد ملی آراسنده پک صیقی بر رابطه اولدیغنی مطالعات سالفه دن سراحته اکلایشیلور . دولتی بو طرزده تلقی آلمانلره خاص بر طاقم سیاسی و خلقی سبیلر ایله ایضاح ایتمکده ممکندر . تفصیل ایدم :

اولاً جرمنلر اکثری احوالده فردجیلکه متمایل بولندقلرینی کوسترملردر . حکمدارلر و بویوک آداملرک دمیر پنجه لری سایه سنده آلمانیا موجود بر دولت مستقله حالی آنجه یه قدر فردجیلکه مختلف تظاهراته بو ملنک تاریخنده صیق صیق تصادف اولونور . آوروپاده بویوک حکومتلر تأسس ایتمکه باشلادیغنی اثناده ، نظردقی جالب ایکی معارض تمایل مشهود اولمقده درکه ، بونلرک بری ، منحصر آ جرمانلره خاص و غایه سی ، حاکمیت حولتک متعدد اقسامه تفریقی در .

ایکینجی جریان ایسه رومالیلردن میراث قالان بر مضمکوره یه امثالاً حکمداره مطلق

[۱] صحیفه ۳۹۷ . Levy - Bruhl . L'Allemagne depurée Leipzig

[۲] صحیفه ۸۲ . S. N. E. P. Lsit.

بر قدرت بخش ايدى بيلمك ايجون بىكلىكلرك الغاسى و يرلرينه متمركز ، بويوك دولتلار اقامىسى ايدى . فردجيلك يعنى برنجى جريان آلمانايده حاكم اولدى . اون سىكزنجى عصر ك نهائىته قدر عرقك بوتمايلنه تبعاً متفرع كوچوك حكومتلر شكلنده ياشايان آلمانلر ، بو عصر ك نهائىته تخدمت ايدن سياسى و عسكرى اسباب مجبره نك تحت تاثيرنده بويوك و قوتلى بر حكومت موحدە حالى ا كتساب مجبوريتنده قالدیلر . حالبوكه مقدمجده سوبله ديكمز اوزوه فردجيلك بوكا مانع ايدى . ايشته آلمان متفكرلىرى بوفردجيلك تمايلنى ازاله ، قصديله ، دولته ، ملتە ، على العموم جمعيتلره و جمعيت حياتنه فوق العاده اهميت ويردیلر . [۱] هه گى دولت ارضه ايتمش بر الهدر ديميه سوق ايدن مؤثر بودر . بز ظن ايدىيورزكه ، آلمانيا بويله قوتلى دشمنلر ايله محاط اولمايوبده عرقك روحنندن كان طيبي تمايللره تابع اولارق ياشامغه مساعد بر حالده بولنسه ايدى ، تكامل سياسيه ومعنويه سيمديكندن تمايله بشقه بر استقامت تعقيب ايدردى .

ملت و دولتك بو ماهيتده تلقى ايدلمسى بر سياسى تدبير ، قوتلى بر حاصه دافعه ايله يكدىكرندن اوزاقلاشان و بناء عليه معظم متجانس بر آلمانايك تاسسنة مانع اولان فرديتلىرى بر برينه ربط و وصل ايجون دوشونولش بر چاره ايدى . بو برنجى سيبه آلمان ملتلك قابليت روحيه سيله علاقه دار داها بعض معنوى سبيلر علاوه ايدى بيليرزكه بونلر بزه شكل معلوميله دولت نظريه سنك هر يردن زياده نه ايجون بالخاصه آلمانايده حسن قبول كوردىكنى ايضاح ايلر .

مثلاً بوجمله دن اولارق ، مه تافيزيق ذهني ، يعنى آنتيته لر خلق ايتك و هر درلو مجردانى تصورده يك بويوك بر قابليت كوسترملك خاصه سى ، [۲] آيده آليزم و رومانيتيزمك محصولى اولان ميستيسترم [۳] آلمانلرك آكلادقلىرى شكلده دولت نظريه سنى احاطه يه اك مساعد عوامل روحيه بنى تشكيل ايدرلر .

[۱] دولتك بومه تافيزيق معناسى آلمان ذهنيتمده اودرجه درين بر ايز براقشدركه بوكوزدخى آلمان حقوق شناسانى صلاحيت دولتك انكليز و فرانكلرك اكلا دىنى شكلده انقسانى قبول ايدى بونلر نظراً « واضع قانونلرك (قوة تشريعية) ، ارباب اداره نك (قوة اجرائيه) ، حكامك (قوة عدليه) و وظائفى تعيين و تجديد ايدن دولندر » . صحيفه ۲۲۵ جلد II - L'état moderne et son droit-Iellenik

[۲] « مه تافيزيقه فرط تمايل جرمن عرقك ايكنجى بر وصف ميزينى تشكيل ايدر »

صحيفه ۶۰۴ سنه ۱۸۹۳ Revue de deux Mondes-Barouse

[۳] « هر ملتدن زياده ميستيسترمه تمايل بولنان آلمان ملتيدر » . جلد ۲ . صحيفه ۳۰۳

خلاصه : فرد جیلکه مخالفت مجبوریست سیاسی بی، آمانیاده، دولتی، ملتی احتوائتدیکتی جزو لک حیات، سیر تکامل لرندن آیری بر حیات، و بر سیر تکامله مالک بر موجود حقیقی کیبی تصویری ضروری قیلدی. و بونظریه هر شیدن اول، سلامت وطن اندیشه سیله متجسس اولان بحران دورینک آمانلری نظرند، تاریخیجیلک حسسی نک تکاملی (نیجه نک مستهزیانه آلتنجی حس دیبه توصیف ابتدکی حسی) عنعنه برستلکه فرط تمایل، علی الخصوص افسانه لر خلقنه پک مساعد اولان رومانیزم جریانی، مشترک بر لسان، بر دین، بر اخلاق و مشترک قانونلر آلتنده و بر آراضی ده یشایان انسانلره اضافه ایدیلن ملت مفهومنک ایضاح ایده کلدیکمز ماهیتده قبولی تسهیل ایتدیلر.

تدقیق ایتمکده اولدیغمز موضوع دوات وملتک سالف الذکر طرزده مفصلاً مناقشه به مساعد بولمخه دیغندن یالکمز بر مسئله به دائر بیان مطالعه ایله اکتفا ایده جکمز. بو دوات نظریه سنک دوغرو اولسی ایچون هر شیدن اول بر نقطه نک فرضیات واحتمالات ایله دکل فقط فنی بر طرزده و صریح بر صورتده تقرر ایتمی ایجاب ایدرکه او نقطه ده شودر :

« بر کل، بعضاً اجزای متشکله منده موجود اولیان اوصافه مالک اولایلیر. و باخود عناصر معدنیة بسیطه بعض شرائط داخلنده یکدیگر به امتزاج ایتدکن صوکره غیر متمزج بر حالده ایکن مالک اولمدقلری اوصاف جدیدی تولید ایده ییلیرلر. »

بز او قناعتده یزکه، دولتک، جمعیتک فوق العضو (surorganique) بر وجود مستقل اولدیغی اثبات ایچون بعض سوسیولوغلرک حیاتیات علمندن استعانه ایتدکاری و سیستملرینک روحی تشکیل ایدن بو مطالعه هنوز قطعیت ایله قبول ایدلش حقایق علمیه میاننه داخل دکدر. نه ته کیم بو کی مسائله سوسیولوقلردن داها صلاحیتدار اولدقلرنده (حیاتیات محنده) شبهه جائز اولیان حیاتیات متخصصلرندن دانتک وهه گل کی ذوات بو فیکرک ضدینی ادعا ایدیورلر. دانتک دیورکه « انسان و حیوان بر طاقم جزء لایجزی لردن متشکلدر. وجدان انسانی نک وجود بشری تشکیل ایدن وابستائی بر شکلده وجدانلره مالک بولنان اجزایک محصورلی اولدیغی قبول ایتک، عینی وجدانک شعور دن محروم بسیط جزء لک بر آرایه کله لری نتیجه سی تحصیل ایتدیکنی قبولدن شبهه سز داها دوغریدر، عینی فیکری هه گده شو صورتله تأیید ایدیور. « حیات عمومیدر. بناء علیه، عناصر متشکله منده حیات اولیان بر کل مادی ده حیات تصور ایتک ممکن دکدره

داسترك دیدیکی کی بر طاقم عناصر بسیطه نك بر آرایه كلهرك بر كل تشكیلی و بو كلدنه
اجزاده موجود اولیان یکی خاصه لر تولد ایتسی ممکن دكلدر .
مسئله نك بو عدم وضوحی قارشیدنده (۱) دوات ، ملت و علی العموم جمعیت مفهومه
دائر بیان مطالعه اولونورکن دها آز قطعی اولق ظن ایدرز که دها موافقدر .
بو درجه صلاحیت علمیه دن عاری ، غیر معین بر نظریه ، بر تمل اوزرینه عظیم ،
مهیکل ، اقتصادی ، اجتماعی بنالر قورمغه تشبث ایتک بزه فضله بر جرأتکارلق کی کلیور .
سالف الذکر نظریه استناد ایدرك فلان ویا فلان زمره بشرک اقتصادی حیاتی دکل
متحصراً ، ملت تسمیه ایدیلن (اقتصاد ملی طرفدارلرینک اکلا دیغی شکله) مخیل بر
عضو مستقل اقتصادیاتی تدقیق ایچون یکی بر اقتصاد عالمی وجوده کتیرمکی دوشونمک
و بو یکی علمه وضوح دن عاری اولان اقتصاد ملی تعبیری ریرمک بیلمه یز نه درجهیه قدر
دو غرو اولاییلر . بناء علیه بدایتده سویل دیگمز کی بزم ایچون اقتصاد ملی نامی آئنده
یکی بر عام اقتصادک موجودیتی موضوع بحث بیله اولاماز . یالکیز اقتصاد ملی بی دیگر
تمایلر کی مثلاً سوسیالیزمک توسعه مانع اولق ایچون آلمانلرک ایجاد ایتدیکی حکومت
سوسیالیستلرکی کی ایجابات زمان و مکانک وجوده کتیردیکی بر تمایل مخصوص عدایده بیایرز .
بزه کوره ، حقیقتده ، بر جمعیت متشکله ایچنده یاشایان فردلرک ویا خود بو فردلردن
مرکب زمره لرک اقتصادی حیاتلرینی تدقیق ایدن بر علم اقتصاد نظری و برده بونک عملی
قسمی واردر . بو عام فیزیو قراطلر طرفندن تأسیس سمیت و معقبیلری طرفندن اکمال
ایدلمشدر [۲] عصر مزده ایسه بالخاصه نه ثوقلاسیکلر طرفندن تمیل ایدلمکده اولوب
علی العموم فن ساحه لرنده یاییلان یکی ترقی ایدن استفاده ایدرك کونبکون تکمیل ایتمکده در .

[۱] ذکر ایتدیگمز حیاتیات متخصصلردن ماعدا ، قاری ، فوییه ، کید نفسی و سپه نسر کی
بر جوق سوسیولو قلدنه فوق العضو نظریه سی قبول ایتمه یورلر .

[۲] « نظری علم اقتصاد عملی اقتصاددن آیریلش و بونلردن بشقه برده علم مالی میدان ه چیقه شدی ، بوکون
بیله اقتصاد علمی آلمان دارالفنونلرنده پوشکاده تدریس ایدلمکده در . نظری علم اقتصادده اقتصادی
شرائط اساسیه ، تعریفات و اقتصادی نظریه لر کوسرلمکده در . بوندن دولایی نظری علم اقتصاد
فیزیو قراطلر و آدم سمیت طرفندن تأسیس ایدیلن اقتصادک مابعدیدر » حقوق فاکولته سی مجموعه سی :
تشرین ثانی ۱۳۲۲ صای ۵ : حقوق فاکولته سی علوم اقتصادیه مدرس سابقی دوقفور هوغان .
آلمان مقتصدلرندن آدولف واغنه ر بیله « اقتصاد ملی نك غایت مجرد abstrait بر فکره مستند

اولدیغی کیزله میبور « Fondement de l'Economie politique »

جلد ۲ صفحه ۱۶

بویوک کوته نك دیدیکی کبی * نه ملی صنعت ونه ده ملی علم وارد در . تکمیل بویوک شیلر کبی صنعت وعلم ده بوتون عالمه عائد در . وترقیلری آنجق بالجه معاصرینک یکدیگری اوزرینه اجرا ایده چکاری متقابل تأثیرات سایه سنده ممکن در .

* *

نتیجه — اقتصاد ملی طرفدارلری اون سکزنجی عصرک نهایتلرنده ریاضی فیزیکک سائر فنونه نسبتله داها مترقی بولندیقی سویله یورلرکه دوغریدر . یالکز اساس اعتباریه دوغرو اولان بو مطالعه دن عینی عصره منسوب متفکرلرک کرک طرز تفکرلرنده کرک ایسه تعقیب ایتدکاری اصولده منحصر آریاضیه نك تحت تأثیر و تحکمنده قالدقلمی استمزاج ایتک موافق دکلدر .

بزه کوره علی العموم مثبت فنلر، حادثات طبیعی بی تدقیق ایدن برکل متجانس ماهیتی حازدرلر . ممکندر که سیر تکامللرینک بر صفحه سنده بولردن بری ویا بر قاجی مختلف سبیلرک تأثیریه دیکرلرندن مترقی بولونسینلر، فقط بو فضله یوروییشک مطلقا کریده قالانلرک زیاننه اولاجنی و اولرک تمامیه بلغ ایده چکی ادعا ایدیه من . بناء علیه ، مقتصدلرده داخل اولق قیدیه اون سکزنجی عصر متفکرلرینک یالکز ریاضی فنلرینک دکل ، اوزمانلر انکشاف ایتکه باشلایان تکمیل مثبت فنلرک تحت تأثیرنده قالمش اولدقلمی شکلنه قلب ایتک دها دوغری اولور . فی الحقیقه بو عصرده یاشایان مقتصد ، فیلسوف ، حق سیاسونک یازیلرنده مثبت فن ذهنیتک قطعی تأثیراتی مشاهده ایتک کوچ دکلدر . بشریتک هر یکی بر صفحه تکاملی ابتدلرنده کورولدیکی اوزره ادبیات وفلسفه عصرینی تعقیب ایدن اون سکزنجی عصرده علوم طبیعی نك میدان قویدینی حقایق اوکنده بر آز متحیر قالان زمانک متفکرلری کندیلرندن بر عصر اول یاشایان فارتزینلرک - Raisonant نه قارش کوستردکاری لایتزلزل ایمانه مشابه برحس حرمت وامنیت ایله مثبت فنلره اعتماد و مربوطیت کوسترمکده ایدیلر .

— اقتصاد ملی طرفدارلرینک Rationalist فلاسیکاری زده له مک ایچون استفاده ایتدکاری ایکنجی دلیل ، فلسفه عقلیه نك مقتصدلره اولان درین تأثیری تشکیل ایدیور . بواعتراضه وارد در . شو شرطله که اون سکزنجی عصرده کی راسیونالیست فلسفه نك ، عصر سابق

قارتسز یا نیزی کی تمامیه عقل محض اوزرینه مستند بر فلسفه مجرد اولدینی تسلیم ایدملی .
 بز ، بالعکس فلاسکه لک یا سادینی تاریخلرده ، راسیونالیزم کله سنک بو کونه نسبتله برآز
 وضوحدن عاری اولقله برابر هر حالده کافی بر قطعیت ایله علم ایله هیچ بر مناسبتی اولیان
 علی العاده empirisme ک ضدی بر ذهنیت فنی بی افهام ایتدیکنی ظن ایدیورز . اوزمانک
 متفکرلری نظرده بر مسئله بی عقلی Rationel بر طرزده تدقیق دیمه نک نه ساده جه منطق
 قوتی استعمال ونه ده فی بر اصول تعقیب اولقمه سزین طرز طبیعی حیات ایجابی یاییلان
 تجربیلره مستند معلوماتی استعمال اولدینی ، بالعکس مثبت فنلرک احضار ایتدیکی حقیقلری
 اساس اتخاذا ایدرک تنقیده بولنق اولدیغنه دأثر المزده مقنع دلائل موجوددر .

اون سکزنجی عصر راسیونالیزمی ، سانسوآلیستلره برلکده همزاد فکرلرک وجودینی
 رد ایدرک تدقیقات و محاکماتده امکاتک مساعدده سی نسبتنده معلومات مثبتیه دن آیرلماق ،
 وشیئی مشاهداتی نفس مشاهداتیه ترجیح ایتک کیبی تمایلاتیه کیتدکجه قارتیه نینا نزمین
 اوزاقلاشمشدر . حق برآز داها ایلری کیدرک اون طقوزنجی عصرک اورتیلرنده ،
 یوزیتویزم نامی آلنده تیلر ایدن یکی فلسفه نک منبعی ، فنه استناد ایدن راسیونالیست
 فلسفه سی تشکیل ایتدیکنی ادعا ایتک بیله ممکندر . بوکارغما فلسفه مثبتیه حاضریه نسبتله
 راسیونالیزمده کوریان وضوح سزلق و مجرداته فضله جه تمایل ، اون سکزنجی عصر نهایتلرنده
 عمومیتله مثبت فنلرک اون طقوزنجی عصرده اولدینی قدر مرقی بولنه مالریله قابل ایضا حدرد
 مع مافیه ، بالخاصه فلاسقی اقتصادک مهد ظهوری اولان انکلترده پک زیاده رواج بولان
 ودائما مشخصیه (Concret) یه متوجه اولان سانسوآلیزم فلسفه سی پک آز بر مدت صوکره
 مجرداته فرط تمایلی ده توقیف ایتمشدر .

خلاصه ، اون سکزنجی عصره منسوب متفکرلرک ذهنیتی یالکیز ریاضی فیزیک
 فنلرک روح و اصوله تابعدر ادعا-سنده بولنق مدافعه سی آرزو ایدیلان بر نقطه نظر
 دلیل احضاری ایچون حقایق حالی اجبار وحتی تحریف ماهیتنده در . بالعموم اون سکزنجی
 عصر متفکرلری ایچون دوغرو اولیان بوا دعا فرانسه ده فیزیوقراطیزمی انکلترده فلاسقی
 اقتصادی تأسیس ایدن مقتصدلر ایچون هیچده قابل مدافعه دکدر .

معلوم اولدینی اوزره ، فیزیوقراطیزمک مؤسس اولان کهنه مشهور بر طیب ایدی .
 یعنی علوم مجرددن زیاده مثبت فنلر ایله اوغراشان بر متفکر ایدی . مسائل اجتماعیه

تتماس ایدن ایلک اثری بیک یدیوز قرق یدی ناریخنده نشر ایتدیکی (ess-ai physique sur l'économie animal) در [۱]

« ثروت مال » مؤلفی نامیله طائماندن ایلجه زمان اول « حسیات اخلاقیه نظریاتی » اسمنده کی معروف اثریله شهرت بولان سمیت ایسه استادی داویدهوم کی ناتورالیزم و اصول استقرائی به تمایل نافذ بر اخلاقیات پسیقولوجی ایدی . دینی ، متافیزیک مفهوماتک خارجنده اولارق اخلاقی ، سوق طبیعی بشرک منتظم بر اصول داخلنده و علمی بر طرزده تدقیق اوزرینه استناد ایتدیرمکه ایلک دفعه تشبث ایدن سمیت اولمشدره سمیت ، قواعد حذوقیه ، اخلاقیه ، سیاسیه و مدنیت پرنسپیلرینی مشاهدات قیه ده آرامش (مجردات ده دکل) و « ثروت مللی ده عینی تمایلك تحت تأثیرنده عینی حسیاته تابع اولارق یازمشدره » [۲] . نویوتونک و طنداشنک تجرئی حقایق یولنده عقل محض ایله اکتفا ایدن راسیونالیزم فلسفه سندن زیاده لوقک تجاربه پک بویوک بر اهمیت عطف ایدن سانسو آیزمندن متأثر اولدینی انکار ایدیله من .

اون سکیزجی عصر مقتصد دلرینک محیطی ، اونلری بالضروره نه مطلق بر مجرداته ونوده تمایله ریاضی بر اصول استدلاله سوق ایتدیکی مطالعات سالفه دن کافی درجه ده اکلاشیلدی . ظن ایدرز .

بونقطه لر توضیح ایتدکدن و مذکور عصره منسوب متفکرلره رهبرلك ایدن پرنسپیلره دائر معارضلرک خطالری تصحیح ایدیلدکدن صوکره بالطبع اساسده حصوله کلن تحولاك انعکاساتی بواسطه سندن تشعب ایدن تالی و داها خصوصی پرنسپیلرده کوره جکمزدن بونلری ده برنجیلره کوره تعدیل مجبوریتنده بر .

— اولا اقتصاد ملی طرفدارلرینک قلاسیکلرده جالب دقت بر خطا اولارق کوستردکلری

Abstraction دن بحث ایده لم :

قلاسیق مقتصدلر مسائل اقتصادی بی تدقیق ائناسنده اکثریا مجرد و لایتغیر برانسان تصور ایتدکلری کی بوانسانده عمومی زمان و مکان ایله مقید اولیان بعض وصفلر اضافه ایدیورلر . فقط اقتصاد ملی نك مفراط طرفدارلرینک بایدقلمی کی قلاسیق مقتصدلرک

[۱] هکتوردنی دها ایلری کیدرک آلبوم پک مرغوب اولان اقتصاد اجتماعینک استاتیک قسمی

« فیز یوقراطلرک تأسیس ایتدیکنی سوبله بور . II . Denis Histoire des systemes economiqns .

Adam Smith introduction . Courcel Senneuil [۲]

تحليل ايتدكاري بوكي مجرداتي هيچ بر صورتله تدقيقه دكمز برر معناسزلق تلق ايتك عجبلا
 هدرجه به قدر دوعريدر ؟ عصر مزده بك معتبر عد ايديان تكامل نظريه سنه وهله مخالف
 كورونديكي ايجون ، بزه بك فنا بر تاثير يابان بو مفهوم مزده بر نبذه حقيقت بولمق ممكن
 اولديغه قانع بولنديغمز ايجون تجريد ، لايتغيريت و عموميت كله لرينك افاده ايتدكاري
 معاني تصحيح وتعديل ايتك شرطيله قلاسيق مقتصدلرك سالف البيان نقطه نظرلريني
 غير قابل مدافعه بر معناسزلق فرض ايتمه يورز . فكر بمزي ايضاح ايدلم :

بزه اقتصاد ملي مروجلري ايله برابر دنيا ده هر شيك ديكشديكني ونسي اولديغي قبول
 ايدبيورز . كرك ماده كرك معنا انسانده متجانسيستن غير متجانسيته ، بسيطان مركه
 دوعري و تحول واردر . عيني تحولي جمعيات بشريده مشاهده ايتكمده قابلدن . يالككن
 بزم قبول ايتمه ديكمز نقطه ، بوتحولك هر تجلي ايتديكي ساحده سرعتك عيني اولديغي
 ادعايدنر .

بزي ملي اقتصادچيلردن آيران ديكر مهم برأساس ده موجوديتني قبول ايتديكمز
 بوتحولك - بوتحوله ايتر ترقى ايتر تكامل اسمي و يرلسون - بعض احوالده فوق العاده
 بطي ، برجنس نظر اعتباره آلديني تقديرده ايسه همان معدوم عدايديله بيلمسي كيفيتي دره
 برسلسله مشابها و فروقه كوره طبيعتك بر آرايه جمع ايتديكي و برم جنس ، نوع نامرليه
 اطرافني تحديد ايتديكمز معين ساحه داخلنده كي هر موجود تحول ايتكمده برابر بوتحول
 اودرجه كوچوك و اهميتسز دركه بوندن عملي و مهم نتيجهلر بكمه مك عبندر .

هرجنس ، كنديسي سائر جنسلردن آيران اوصاف مخصوصه بي حائر اولمقله برابر ،
 سلسله موجوداتده يوكسلدكجه بو وصف مميزلر داهلر قطعيت و وضوح كسب ايدرلر .
 كوروليوركه ، تحوله نسبت مفهومي بزه طبيعتيله تحوله نسبي بر ثبته كوتورييور .
 افاده ديكرله تحولي قبول ايدبيورز ، فقط بوكا برده جسمك ماهيته كوره دكيش بر « درجه »
 علاوه ايدبيورز . بوعمومي مطالعاتي ، انسانه تطبيق ايدرلر ديه بيليرز كه انسان موجودات
 ايجنده برجنس مخصوص تشكيل ايتسي اعتباريله كنديسي عيني نوعه منسوب مخلوقاتدن
 تفريق ايدن اساسي وثابت وصفله مالكدنر . و انسانلر آراسنده كي بومشترك وصفلر نتيجه سي
 عمومي برطبيت بشريه نك موجود اولديني محققدر . انسانده كورولان بومشابهت عضويه فعاليتده
 مشابهتي انتاج ايتديكي كي بوفيزيولوژيك مشابهتدره ، خطوط اسيا سي اعتباريله انسانلر
 آراسنده بر مشابهت بسيقولوجيه نك وجوديني مستلزمدر .

آنحق بومادى ومعنوى مشابھتلر سايه سنده دركه ، تشریح ، فيزپولوژى ، بيولوژى وطب برفن اولارق تأس ايدى بيلمىشلدرد . بناءً عليه حياتيات نقطه نظرندن عمومى بر انسان نمودجى موجود اولدىنى كى بسىقولوزيك عمومى برانسايده موجوددر . زيرا بالاده سويلدىكمز اوزره انسانلر آراسنده كى بيولوژيك مشابھت بالضروره بسىقولوزيك مشابھتى توليد ايدر « خلاصه » انسانلره مخصوص مادى ومعنوى اوصاف ميمزه عموميه ده كوربان لايتفریت ، ووقايى واضحاً مضبوط ادوار تاريخيه نظر دفته آليرسه ماضيه انسانلر ك ماده ومعناً بوكونككندن فرقى اولدقلى واستقبالده دخی اولميه جقلى ادعا ايديله بيلير » [۱]

بناءً عليه ، قلاسیق مقتصدلر قبول ايتدكارى كى هر زمان ومكانده عینى عمومى بر انسان تصور ايتك دوغرىدر . فقط بو عمومى انسانك فوقده بالعكس زمانه ومكانه كوره دكیش بر انسانك موجودى ده قطعاً اھمال ايديله ملیدر . بو انسان ، اوزون بر تكامل مدنى ك خاق ايتدىكى تاريخى انساندركه ، منسوب اولدىنى عرقى یشادىنى محیطى وملتلر آراسنده كى حرث فرقى ، مدنیت درجه سنى تمیل ايدر . برمدقق ، بر تاریخ نویس ایچون انسانلر كچیردىكى ترقى صفحاتنك ذى حیات بر خلاصه سیدر . دیگر جهتدن ، بو انسان آلتنده كى عمومى انسان اوزرینه اجراى تأثیر واو كا تحكیم ايدر . وبو تحكیم قوتى حرثنك ماهیتی ، مدنیتك سوبه سیله متناسباً زیاده لشر . بونكه برابر نظر دقدن دور طوتولاملیدر كه ، انسان تكمیل قابلیت تكاملنى ، شخصیتك قدرتنى عمومى آدمدن اخذ ایلر . نصل كه بر آغاچك اشو وونماى مربوط بولدىنى محیط خارجى ايله مقیدایسه انسانك اشكال ووجه تكاملانى ده خطوط اساسیه مى اعتباريله تعین ایدن عمومى انساندر . اونك لایتغیر جسمى وروحى وصفلریدر .

قلاسیق مقتصدلر بو تاریخی انسانك حادثات اقتصادیه نك تجلیسنده اوبنادیى رولى حقیله تقدیر ایدمه دیلر . تكمیل نتیجه لرینى هر برده وهر زمان عینى قالان عمومى انسانك لایتغیر طبیعتندن استنتاجه قالدیلر .

اقتصاد مى طرفدارلری ، مضر بر عكسل العمل نتیجه سى ، تاریخی انسانك مستندى وانسبتاً لایتغیر اولان عمومى انسانى تماميله اھمال ایدرك دنیاده یالگیز تورك ، فرانسز ، آلمان ، انكلز طانیور و عمومى انسانك موجودیتدن خبردار كورونمهورلر .

تاریخی انسانی رد ایتک زمان و مکانه کوره انسانلر و انسانلردن مرکب جمعیتلر آراسنده کی بالجمله فرقلری بول ایتهمک دیمکدر. فقط عمومی انسانک موجودیتی طانیماقده جنس بشرک معدومیتی ادعا ایتک کیب غریب بر ظن باطله معادلدر. اگر انسانی، یکدیگری اکل ایدن بویکی شکلیله تصور ایتسهک هان بالجمله فردی واجتماعی حادثاتک مثبت بر طرزده ایضاحنده بر لرینی نفی ایدن ضد نتیجه لردن بشقه برشی آله ایده مه یز. اقتصاد ملی طرفدارلری، انسانک یالکز بر قسمی یعنی دائماً متحول قسمی نظر اعتباره آمله قلاسیک لک دوشدکاری عینی خطایی معکوساً پایورلر.

اقتصاد ملی طرفدارلرینک تولید ایتدیکی نتایج اعتباریله پک زیاده حائز اهمیت دیگر بر خطالری نظریه لرینک اس اساسی تشکیل ایدن تحولی منادیاً و سرعتله آقان بر نهره بکزه تملریدر. تکامل جیلر نظرنده عالمده ثابت هیچ برشی اولماقده برابر هرشی عینی سرعتله تحول ایتکده در اقتصاد ملی طرفدارلری ده تحولی بر طرزده آکلادقلری ایچون ثابت و عمومی بر طبیعت بشریه و بو طبیعت توافقی ایدن ونسبه ثابت بر حالت معنویه یی احاطه دن عاجز بولونورلر.

عینی نقطه نظرک تأثیریه، نسبتاً غیر متحول قالان بو طبیعت مادیه و معنویه بشردن منبعت ضروری و دائمی نسبتلرک، یعنی طبیعی قانونلرک وجودیتی ده انکار ایدیورلر.

اقتصاد ملی طرفدارلری بحق منطقی حرکت ایتش اولملری ایچون کندی اکلادقلری طرزده کی تکامل نظریه سنک عواقبی نهایته قدر کوتوره رک مادی و طبیعی حادثات آراسنده کی ضروری مناسبتلری دخی انکار ایله فیزیک و کیمیا قانونلرینک لایتغیر و عمومی اولمدقلرینی ادعا ایتملری ایجاب ایدزدی. [۱]

فی الحقیقه فنی برقیعتی حائز علیت مناسبتلری کشف ایتک، وجوده کتیرمک ایچون مطلقاً او مناسبانده نسبی بر لایتغیریت تصویری ضروریدر. حالبوکه تکامل جیلر هر شیک سرعتله دیکشدیکنی ادعا ایدیورلر. بوسورتله حرکت ایدیله یوبده آلیوم یکی قلاسیک لک بایدقلری کی بر خط وسطی انتخاب ایدیله جک اولورسه، یعنی عینی زمانده عمومی و تاریخی انسان نظر دقه آلیرسه، حقیقت علمیه ده اها موافق بر خط حرکت قبول ایدلش اولور.

[۱] اساساً مفرط تکامل جیلر ایجریسنده بودرجه ایلری کیدنلرده یوق ده کل متوفی بو آقارده نک (derniers pensés) نام اثرنده علی العموم قانونلرده «Contingence» فکرینی التزام ایدنلره قارشی ویردیکی مقنع جوابلر شایان دقتدر.

و آتی الذکر نقاط تقرر ایدر . عمومی انسان اساسه کوره : اولاً نسبت ثابت و عمومی بر طبیعت بشریه ، ثانیاً ؛ بوطبیعت نقابل ایدن بر حالت روحیه ثابته ثالثاً ؛ بونابت حالات روحیه دن منبعث ینه ثابت و عمومی قوانین طبیعی . رابعاً نهایت ، بو عمومی و مستقر حالات روحیه نك برر شکل مشخصی اولان مؤسسات اجتماعی که شکل ظاهریله دکلسه بیله اساس اعتباریله هر یرده عینی درلر . موقت و تاریخی انسانه کوره ایسه :

اولاً برنجی به منضم و زمان ، مکان ایله مقید بر ایکنجی طبیعت بشریه ، ثانیاً بومتحول طبیعت ایله تغیر ایدن حالات روحیه ثالثاً ، نسبی و شرطه معالق علیت مناسبتری یعنی تکامل قانونلری رابعاً تاریخك هر صفحه تکاملنه کوره د کیشن مؤسسات اجتماعی دیگر جهندن ، عمومی انسان ایله تاریخی انسانك بر برنجی اکال ایدن بر ایکیك (dualité) اولارق قبول ایدلمی نتیجه‌سی ، طبیعت بشردن منبعث قانونلر ایله طبیعت اشیا دن متولد قانونلر آراسنده بر فرق تصویری ممکن اولور . مادی و معنوی حادثاتك تظاهرنده تاریخی انسانك عمومی و ثابت انسان اوزرینه متعذر تأثیرات اجرا اید بیله چکی ده دوشونولورسه مادی حادثاتك تجلیسندده مشاهده ایدیله بن بر عاملك منبعی روح بشر اولان حادثانده مهم بر موقعی اولدینی کورولور . و عینی زمانده بو عنصرك مداخله‌سی نتیجه‌سی فردی و اجتماعی وقایع بشریه ده طبیعی و خارجی حادثانده کوروان یکدنسقلق و لایتغیریت مشاهده قابل اولدینی و بناء علیه طبیعت ثابته بشرله علاقه دار اولان قانونلر ده مثبت فنلرک قانونلری درجه سنده قطعیت اولدینی آ کلاشیلیر .

علمك هیچ بر قسمندده نه تجرید ونه ده فرضیه دن تمامیله فراغت اولنه ماز . عمومی معناسیله تجرید دیمك صورت مخصوصه ده تدقیق آرزو سنده بولندیغمز قسمتی میدانه چیقارمق ، تکمیل دکامرنی بو نقطه اوزرینه تمرکز ایتدیره بیلیمك ایچون بر جسم ، بر حادثه نك بی فائده عدایتدیکمز اقسامی خذف ایتمك عملیه سیدر . تجرید خطوطی وضوح ایله چیزمك ، تقریر ایتمك ایسته دیکمز شیک محیطی تمیزله مك آیدینلاقمق آرزو سندن دوغار و آنجق دماغك بو خاصه طبیعی‌سی سایه سنده درکه بزى صورت مخصوصه ده علاقه دار ایدن اشیا و وقایعی سائرلرندن سهولته تفریق ممکن اولور . ایجه طایبق و بیلیمك ایسته دیکمز شیلری اورتن حائللری قالدیرمق آرزو سنك ترقیات فیه یه مضر اولایله چکی وارد خاطر بیله اولاماز . یالکمز موضوع تدقیقمزه وضوح و برمك املیه او موضوعی صنعی بر تنقلیه تابع طوتمقه حقیقی تجرید عملیه‌سی قاریشدیرلما ملیدر . بو صورتله حرکت حادثاتی پارچه لامقدر .

دیگر جهتدن بزم اکلا دیغمز معنایه کوره تجرید هیج بر حقیقه مستند اولیان خیالندن عبارت دکادر . بناء علیه قیود سالف نظر دقته آلتق اوزره تجریدک هر نوع تدقیقات علمیه ایچون ائزم اولدیغنه قانعز . [۱] فرضیه ده ، بعض احوالده کشف حقیقت ایچون وقایع قدر الزمدر .

ریاضیه ، کیمیا الخ کی قطعی اولان قنراک مهم نظریه لرینی فرضیه اوزرینه استناد ایتدیرمکه قالیوب یکی بر مرحله ترقیه واصل اولق ایچون هر کون مختلف فرضیه لر دن استفاده ایدیورلر . فرضیه مشاهداتده موقت رهبرک وظیفه سنی اجرا ایلر . شبهه لی کوروندیکی حالده قیریلیر فقط در حال برینه بر دیگری اقامه ایدمک شرطیله . [۲] فرضیه بر بنای تخیلدرکه اکثریا معلومات مکتسبه مزه کوره قورولور ، فقط هیج بر زمان اساسی ، حقایقه مستند مؤسس بر نسایلرک قطعی اشکالنه ونده صاعلام تملنه مالکدر . بالکیز مستقبل بر حقیقتک قبا طاسلاق بر نمائی اولایلیر . اگر بالجمله عالم لر فرضیه قولالانمقدن صرف نظر ایله منحصر آ شئی مشاهده وتصنیف ایله اکتفا ایده ایدیلر شبهه سز هیج بر مثبت نتیجه علمیه واصل اولامدن نامحدود وقایع ایچنده غائب اولوب کیدرلردی . وقایعی یکدیگرینه ربط ایدن علل واسباب زنجیری کشف و ایضاحه آنجق فرضیه نك معاونتیه ذکا مقتدردر .

تکرار ایدلم ، حسن انتخاب ایدیان فرضیه لر ، ذکائی تنویر و حقیقه قدر صعودینی تأمین ایچون اوکا نردبانلق وظیفه سنی کورورلر . [۳]

[۱] ریاضیه دن علم اجتماعه دوغری کیتک اوزره معلومات مکتسبه مزده یوکسلدکجه حق تجریدک معکوساً آزالسی لازمکدیکنی « و بر نباتات متخصصی بر انکناری تعریف ایتک ایسته دیکی زمان صرم سیله ساقندن باشلایه رق اساسی ، یاپراقلی ، الخ تعریف ایتدیکنی ، حالبوکه متافیزیسینلرک بونلرک جمله سنی حذف ایدرک متناقص سندن . . . یعنی هیچدن بحث ایتدیکنی » قبول ایدیورز و تجریدی بالکیز واصل اولق ایسته نیلن غایبه مضر موادی افنایه مخصوص بر اصول عد ایدیورز .

[۲] پاستور کی موسوس بر عالم بیله ، تجربه ایله مشغول اولانلرک تخیلاتلری کندیلرینک مهم بر قوتی تشکیل ایتدیکنی و بوتخیلاتک ایسه اونلره رهبرک ایدن قبل التدقیق حاصل اولمش فکرلردن مرکب اولدیغنی سویلیور . صحیفه ۷۲ : Imagination Créatrice . Ribot

[۳] « حال حاضر متفکرلری متین بر نظریه تأسیس ایده بیلیمک ایچون مطلقاً موافق شرائط داخلنده اجر ایدلمش مشاهدات کافیه نك اساس اتخاذ ایدلسی لزومنی سرد ایدیورلر . فقط شوراسی اونودولما ملیدرکه ، ذکائی بشر سالف البیان مشاهداتی ، مقدمه مؤسس ومعین بعض Spéculatif ماهیتی حائر فکرلر طرفندن سوق واداره ایدلمدن بر نظریه نك مواد ابتدائیه سنی تشکیل ایده جک

اقتصاد ملی طرفدارلری، استقرارچی، لزومندن فضلا ایلمی کوتورمکه کرک ذکات کرک ایسه حادثاتی هیئت عمومی سیله قاورایه سیله جک خاصه ممتازک ، مسائل اقتصادیته حلنده کی وظائفی اهل ایدیورلر . اصول استقرائیه فضلا جه اهمیت ورن مقصدلرک آثاریه بویوک نظریه لر واضعی ، بویوک مقصدلرک اثرلری کمالی طرفیه مقایسه ایدلریکی زمان انسان بلا اختیار اون طقوزنجی عصرک اک مشهور بر منطقجیسی و مقصدی اولان « جون استوارت میلک » یوکسک بر فکریخی خاطر لایور . جون میل متعدد اصوللری تنقید ایتدکن صوکره دیورک : « مسائل ساسیه و اخلاقیته تک تدقیقده تعقیب ایدلسی صرح اولان یکانه اصولک ، باقونک اصول استقرائیهی اولسی و بویکی مسئلهلرک حل ایتاسنده حقیقی رهبرک محاکمه اولمایوب تجارب مخصوصه تشکیل ایتسی فکری ، برکون ، بویله بر نقطه نظرک رواج بولدیغی عصرک دماغلرند اسه کلاسیون قوتنک انحطاطه اوغرا دیغی اثبات ایچون اک صرح بر دلیل اولارق کوسته ریله جکدر » میلک وطنداشی و زمانمزک اک مهم مقصدلرندن اولان مارشال ده عینی مطالعه یی شوشکلده تکرار ایدیور . « عصرمزک تولید ایتدیکی بر چوق اصلاحات جدید و تاریخک درین درین تدقیقاتی نتیجه سی آله ایتدیکنر معلومات واسعه آراسنده اقتصادک خلق آراسنده تعممی صیقی وقوتلی محاکمه لازم کلدیکی قدر اهمیت عطف ایدلمه مسنی انتاج ایتدیکی حس ایدیور » . [۱]

آرشمید ، غالباً لونیوتونک منحصرأ حادثات وقایعی شیئی بر طرزده تدقیق سایه سنده کشفیاتلرند موافق اولدقلری بظن ایتیورز . صویه صوقولان بر عضوده حقیقک حس ایدلسی ، بر المانک آغاچدن یره دوشمه سی ، بر آویزده حرکت منتظمه سی عموم ایچون علی العاده وبی معنی وقایعدن اولدقلری حالده ، سالف البیان اسملری طاشیدان بویوک دماغلرده ، بواهمیتنر حادثات ، بر باروت فوجیسنه اصابت ایدن قیویاجیم وظیفه سی کورمشلر و بویوک دماغلرک احتوا ایتدیکی کیزی و معظم روحی قوتلری حال فعالیت کتیرمشلردر . عناصر اولیه سی محیط خارجیدن آلان ، و بو تأثیراتی دروننده طوبالایان ، تثبیت ایدن فیزیولوژیتهک دماغ واسطه سیله منحصرأ شیئی مشاهده ، تعریف و تصنیف سایه سنده سالف البیان کشفیات و اصل اولق محالدر . [۲]

بو مشاهداتی موافق بر صورتده یکدیگرینه مزج حتی اوللری طوبلامقندن بیله عاجزدر « Discours sur la philosophie A . comte

marchal - principes d'Economie politiques [۱] جلد ۱ صحیفه ۹۳

[۲] « محاکمات ، استقراء ، استدلال ، حساب ، اثبات ، اصول و عرئوع وسائط منطقیتهک

بالاده صایدیمز عناصر تدقیقه نك جمله سی بویوك حقیقتلرك كشی ایچون الزم اولمقله برابر هیچ بر زمان احضاری بر عملیات اولیه درجه سی کچه مزلر . اکر انسانیت متفکره بالکتر مشاهده تثبیت وتصنیف حادثات ایله مشغول بولنسه ویا باشقه درلو حرکت قابلیت معنوی سی مساعده ایتمه سایدی ، شبهه سز که فن ساحه سده بویوك بر ترفی کوستریله مزدی . انسانك ، مطلق اولارق دكل ، نسبی بر طرزده ، کندینه کوره اسرار عالمه نفوذایده بیلمسی ساده حادئانی ، شیئی مشاهده یه تابع طومسایله قطعاً ممکن اولاماز ، بز وقایع وحادثاتك تدقیقنده شایسته موافق ، تام و « Objectif » معلوماتك لزوم واهمیتی تقدیر ایدیورز .

بونکه برابر جوق احوالده مهادی و بك صیتی بر اصول علمی داخلنده یوروتوان مشاهداته احتیاج مس ایدلندن ، بك مهم حقایق کشف ایتك امکانی اولدینی حالده - تاریخ علومده بوكا دائر متعدد مثاللر بولمق کوچ دكلدر - ذکا قوتی ، اصول استقراء طرفدارلرینك یكده اهمیت ویرمه نکاری نفسیلک « Subjectif » وکلمه نك میستیک معنایله دكل ، فی معنایله تحدسك « Intuition » مداخله سی اولمق سزین مهم بر حقیقت علمییه میدان قویغه امکان اولدیغه قانعز . فی الحقیقه شیئی ودقیق مشاهداته لازم کلدیکی درجه ده اهمیت ویرلیدیکی ویاخود بوكا امکان بولمقدیق ویا بجمله مسائلك منحصرأ ذکا قوتیله حل ایدیله جکی قناعی حکمران اولدینی دورلرده مثبت قتلرك ترقیسی بطی اولمشدر . حال حاضرده بسیطدن مرکه ، خصوصدن عمومیه کیدیلهرك حادثات اوزرنده یاییلان درین و اینجه تدقیقات ذكانك وظیفه سی فوق العاده تسهیل ایتمکه قالیوب دقیق بر مشاهده سایه سنده الد ایدیلان واضح و تثبیت معلومات اساسیه ، بر جوق یکی حقیقتلرك کشف ایدلمسی تأمین ایتمشدر . مع مافیه بویوك کشفیاتك هیچ بر زمان ، طبیعتك محدود بعض دماغلره حصر ایتدیکی فوق العاده نفوذ قوتنك یاردیمه مظهر اولیان وقایعی اك اوافق تفرعانه وارنجه یه قدر غایت دوعرو تدقیق و تصنیف قابلیتته مالک مشاهدلر طرفدن یاییلمش اولایله جکی قبول ایدمه جکزه . بویوك کشفیات واختراعات وقایع آره سنده کی عادی مشاهدلره کورونیمه جك درجه ده غیر محسوس مناسباتی هیئت عمومیه سیله احاطه یه مستعد نادر وجودلرك ایشیدر . تدقیق حادثانده ، تجارتك موقعی ایسه بك صوکره کلیر . (وقایع اجتماعیه نك تدقیقنده

فوقنده بوللره حیات ویرن ، اوکر نیلمه یین منافی بر عملیه نك محسولی اولان برنی واردرکه اوده خالق ایدیجی نیلدر . « صحیفه : ۲۰۷ Ribot - imagination créatrice

تجاربىك نەدرجه يە قدر قابل تطبيق اولدىنى و آلدە ايدىيان نتايجك صحتى تامين نە صورتله قابل بولدىنى مسائلنى برطرف ايدىيورم .) كافي مقداره وقايع جمع ايدلەكەن ، ذكا بو وقايعه نفوذ و بونلرى تصریح و تحليل ايتەكەن ونتايج تدقيقاتى تركىبى برشكەلە افراغ يعنى حال ابتدائيه ده بر نظريه نك خطوط اصليه سنى چيزمكه موفق اولدەكەن سوكرە دركه تجربيه صره كلير . و تجربه واصل اولنان نتيجه يى تاييد و تكذيب صورتيله وظيفه سنى كورور . تجربه بر واسطه تدقيق ، بر محك طاشدن عبارتدر .

خلاصه ، بعض مستثنا دماغلرده ، فوق العاده بر قوه نافذه يى حائز اولان ، و نرم ذكا تعبير عمومى سيله افاده ايتديكمز قوتك تدقيقات علميه ده كى اهميتى كوچولەك و قوتك يرينه ، شئى مشاهده [۱] تعريف و تصديقات ايله اکتفا ايتەك ، انسان متفكر و حساسى غايت منتظم و دقيق بر ما كنه منزله سە اينديرمكه معادلدر ، حقيقتە واصل اولمق ايچون يكانه واسطه نك دوغرو مشاهده و تصنيفدن عبارت اولدىنى هر كسە قبول ايتديرمكه چالشمق فك تكاملى نقطه نظرندن ، آرشو آراجليرندن ، مدقق مشاهدلردن بك چوق حائز اهميت و قيمتلى اوصاف خصوصيه و خلقى يه مالك دماغلرك لزومى قبول ايتەمكدر . عضلى بر حيات سر آزاده يشماق ايچون ياراديلش ويا ساكن عضى بر حياته مشتاق خلقتلر اولدىنى كى عينيله بشقه طبيعتده انسانلرك وجوده كيتردكارى عناصر ابتدائيه يى ، مساعى بى استعمال ايدرك بونلره دوغرو و كوزل شكللر و برمكه مكلف دماغلرده واردر . اساساً صوك زمانلرده ، اصوله دائر حاصل اولان متعدد جربانلر بر نقطه يه طويلانيابر ايسه استدلال ، استقراء ، راسيونايزم ، و آمپيريزمك حقايق فييه كشتى ايچون جاه سنك الزم اولدقلى فكر متوسطى ميدانه جيقيور . [۲]

[۱] بى موضوعمزدن اوزاقلره كوتورمى تهلكه سە بناء ، فردى ويا اجتماعى حادثاتك تدقيقندە شئى و تفصيلكەن نە مراد ايلديكى مسائل منازع فہنى مسكوت كچيورز .
« معلومدركه ، اختراع دها سندن محروم فقط دوغرى مشاهدانده بولونمق قابليقتە بك زياده مالك اولان فيشور براهه بو اوصافدن نسبة محروم كپلره تصادف ايتەم سيله ايكيى تام بر عالم وجوده كيتيرمشلردر »

صحيفه ۲۰۶ Imagination creatrice Ribot

[۲] « بورويە بيلامك ايچون صاغ و صول آياغك هر ايكي سەده احتياج اولدىنى كى تدقيقات علميه ده بولنە بيلامك ايچون دە هم استدلال همده استقراء اصوله احتياج واردر . »
صحيفه Le revue economique schmoller

بر آرزو سوزن بویخته نهایت ویرمه بن اول علاوه ایدم که ، مطالعات سافه دن
بزم تجربه ایله قطعاً علاقه دار اولیان مجرد ویا وهی فکر لر واسطه سیله و منحصر آ محاکمه
قوتیله کشف حقایقه چالیشان قارتزیا نزمه طرفدار اولدیغمز اکلاشیلماسون . بالجه
تدقیقات علمیه ده ، ذکاتک تفوقی قبول ایدیوروز . لیکن دوغری و مشخص وقایع اوزرینه
استناد ایتمه بن ، منبع قوتی بونلر اولیان بر ذکاتک بزی حقیقه ایصال ایچون امین و کافی
بر رهبر اولاییله جکمه قانع دکلز . -تولاستیک وما بعد الطبیعی فلسفه سنک عصر مزه
بر اقدقلری کله ییغینی بزه بو نقطه نظرک صحافی وضوح ایله کوستریور .

مع مافیه ، اقتصاد ملی طرفدارلری ده ذکا دیدیکمز قوتک حرارت و آیدینلغه احتیاج
حسن ایتمه دن ، یالکزی شیئی مشاهده ، تصویر و تصنیف -ایه -ند . بالضروره عادتاً میخانیکی
بر طرزده حقیقه دوغرو کیدیله بیله جکفی بعضاً صراحة ، بعضاً ضمناً اعتراف ایدیورلر که
مقدمه ده سویلدیکمز اوزره بو مطالعه قطعاً شایان قبول دکلدز . بونلر ، تدقیقاتک اشکال
ظاهری سیله و بر آزا عظام ایدیلرک دینیله بیلیر که ، قابل لمس اقسامیله فضله جه مشغول
اولدقنرندن برر وسائطدن عبارت اولان بو شکلره روح ویرن ، اونلری اداره و تنظیم
ایدن درونی قوتی اونوتویورلر . اگر منحصر آ مشاهده ، تصویر و تصنیف کشف حقایق
ایچون کافی کله ایدی الک بویوک کاشف و مخترعلرک عمرلری اوراق محزلرنده ، کتاب
توزلری آراسته کچرن بر قسم متبحرلر تشکیل ایتمی لازم کلیدی .

اقتصاد ملی طرفدارلرینک هدف اعتراضی اولان دیگر مهم بر نقطه ، قلاسیکلرک
مضط بر فردجی اولملیدر . عمومیتله قبول ایدلمش حقایقندر که ، لاعلی العین بر نظریه نیک
قیمتی تقدیر ایجاب ایتدیکی زمان ، او نظریه نیک دوغدیغی ویشادیغی محیطه ارجاع نظر
ایدیلیر . بناء علیه ، انکلتزه و فرانسه نیک اون سکزنجی عصر نهایتلرنده کی وضعیت -یاییه ،
اقتصادیه واجتماعیه سیله او زمانلرده ترقیات مغویه بشرک سهویه سی و بو ترقیاتک بشریت
متمنده ده تولید ایتدیکی یکی تمایلات بیطرفانه مقایسه ایدیلرک اولورسه ، بو تاریخلرده
فردجیاکک هر خصوصده غایت محق و الزم بر عقیده اولدیی کورولور .

فی الحقیقه ، قرون وسطی آوروپاده عالمه حیاتی تقویه ایتدی . قرون جدیده ایسه
حکومتلر قانونلریله یک صیقی وسرت بر تضیق انضباطی سایه سنده فردلری اجتماعی حیاته
آلشدریدیلر . آوروپا ملتلرینک ، بو اجتماعی نشوونما دوره لرنده اخلاق و عاداتک شدتی ،
مثبت قانونلر ، فردی و عمومی حیاتک انتظام دوامی ایچون الزم اولان داخلی اساس

پرنسپلرینک هم یرینه قائم اولوبور و همده اولرک تشکله خادم بولیندور ایدی. او زمانلر انسانلر رهبره محتاج ایدیلر. اوزون سوره‌ن بودوره به بزوظیفه دوری (Devoir) دییه جکزه. اون سکنجی عصرک نهایتنده ایسه الجای ضرورتله وضعیت دیکشدی فرد، موجودیتنی مشعر بر سویه مدنییه یوکسلاش بولونوبوردی. شخصیتی تکمل و تقرر ایتدی.

وبونک نتیجه‌سی او زمانه قدر کندیسفی حمایه ایدن فقط شیمدی ایسه تکامل تامنه حائل اولان قانون و عرف مانع‌لرینی قیرمه باشلادی. بوتاریخدن اعتباراً وظیفه دوره‌سی یرینه حق (Droit) دوره‌سی قائم اولدی. هر وظیفه‌نک بر حق تولید ایده‌یله جکزی سزه‌ن انسانلر مختلف جنسدن مطالبه اورتیه آتیلدیلر. فرد یوکسلاکجه تحجر ایتش اولان اسکی مؤسسه‌لر آچالدی ونهایت بسبتون محو اولدیلر.

فکر عالنده باشلایان بو عظیم تحولات ایله مترادفاً اون سکنجی عصرک وسظندن اعتباراً اقتصادیات عالنده ده درین تبدلار حاصل اولش ایدی. بو تبدلانک ال مهم عاملی مثبت فنلرک ساحه تطبیق‌انده کوستردکاری ترقیات ایدی. اختراعات صنایعه‌دن بعضی اسباب خصوصیه دولایسیله هر مملکتدن اول وزیاده استفاده ایدن انکلترده نه‌لیزابت دورنده قابلیت تجاریه‌لرینی عالمه اثبات ایتش اولان انکلیزلر ایچون بو یکی مؤثرک سوقیله عظیم بر فعالیت اقتصادی دوره‌سی آچیلش اولدی. مساعی بشری مضاعف بر مشربته اصعاد ایدن آلات و ماکنه‌لرک تنوع و تکثیری آنغولساقسون عرقک روخنه عصرلردنبری ترام ایدن قوتلری فعالیتیه کتیردی. وبوتون قدرتلری بلعه کافی بر صحنه مساعی قارشوسنده قالان و او زمانه قدر افعال و حرکانی بر شبکه قانون و عادات ایله محدود اولان خلقک یکانه آرزوسی نائل سربستی اولمقدن عبارت ایدی. دماغنک، قولک قوتنه، اراده‌نک متانته قانع اولان ارباب تشبث آلارنده کی یکی وسائط استیصال ایله ومنحصراً شخصی فعالیتلری سایه‌سنده عالمه حاکم اولایله جکزینه قانع ایدیلر. آدم سمیت ملنک روخنه قوپان بو حریتیه اشتیاق تمایل عمومیدسنه (ثروت ملای ایله) بر شکل علمی و برمکدن بشقه برشی یایمامشدر. او زمانلر حکمران اولان فردجبلکک، اوتولتاریزمک، کرک فرانسز و کرک انکلیزلرک [۱] تصوراتدکاری شکلدرده حقوق بشر دو قترینلرینک غایه‌سی

[۱] «فردجبلرایله علیهدارلری آره‌سنده وقوع برلان مناقشاتی حل نیتنده اولماق‌له برابر کندی حسابه تمامیه فردجبلکک متبایلم یارادیجی بر قوت تمثیل ایدن بر شخصک منحصر محیطنک محصولی اولسنی قبول ایده‌یورم. بو محیط بر چوق فردسز اوزرینه اجرای تأثیرایتیکی حالده عینی محیطدن

اسکيدن اولديني کي جمعيت دکل فردک حاکميتي تأمين ايدي . افاده ديکرله بوندن بويله جمعيت حرارتي فرد عکس ايتديرمه چک فقط فرد باشلي باشنه بر محراق مستقل اولاجق ايدي .

بري معنوي ديکري مادي بويکي علمل طبيعي و ضروري قارشونده قلان اودورک مقتصدلري ايچون سيستمليک اساسي فردچيلکله استناد ايتديرمک هم مبرم و هم دم فائده لي ايدي .

بناء عليه ، الک مترقي بر قسم بشرک تکامل طبيعي سندن متولد عوامل اجتماعي بي نظر اعتباره آلمدن مجرد مطلق بر طرزده سميتک فردچيلکي تنقيد ايتک بر داهل تکرار ايدم غابت بسط بر حقيقتک ، يعنى سياسي و اقتصادي سيستمليک کنديلرينه تقابل ايدن برسويه مدنيه و حريه نك اشکال مشخصي اولدقلريني و ايلک و فئالقلي ايچنده نشوونما بولدقلري جمعيتک مادي و معنوي تکامل طبيعي سندن منبع اولوب اولمالريله اولچلديکي حقيقي بيلممک ديمکدر . بوکون شرائط تبدل ايتديکندن فردچيلر آرا سنده بيله شکل ايتدائه بيله بومسلكه مربوط بولنالر ائدردر . بناء عليه معلوم و موداسي کچمش اعتراضات ايله او اعتراضه بحق هدف اولديني شکلي چوقدن غائب ايتمش اولان بر دو قترينه هجوم ايتک بر آرز کولونچ اولوبور .

بونکله برابر تاريخک بزه نقل ايتديکي تکميل مضراتنه رغماً اون طقوزنجي عصر ظرفنده وجوده کلن بک چوق قيمتدار علم آتاريني فردچيلکک تجلي تامنه مديون بولنديغمن اونوتولماليدر .

عصر مزه لزومندن فضله افراطه واران فردچيلکي تنظيم و اوکا داهل مفيد بر شکل و برمک جالشمقوله برابر تماميله ازاله سني ايسته مک دوغري دکلدرد .

چونکه فرد و ملتليک خصوصيتلريني قالديرمه چالشمق ، بشري ايچنده يالکتر برنوع چيچک يتيشن بر باغچه يه قلبه مساويدرد . برده مقتصدلره عطف ايديان تجريدده افراطيه داهل واضح بر شکلده کوسترمک ايچون بونلرک قلاسيق ذهنيته شدتله مربوط اولدقلري علاوه ايديلبور .

يالکتر محدود برقاج شخصيت ممتازه يتيشه بيلديکندن شه سز بونلرک ذاتلرند . بر فضله اتي و خصوصيت اولسي لازم کيبور .

فی الحقیقه قلاسی سیزم اعظمی درجهیه کوتورولدیکی تقدیرده مردلو اوصاف ممیزه بی خذفه متمایل بواندیغندن موضوع تدقیق اولان شی هم صناعی وهم ده روحسز برحاله قور .
 حالبوکه اعتدال دن آیریلایان براسناده آنده ایسه موضوع غایت واضح ، صریح برشکل آهنگدار ویریرکه علمی برکتابک ترتیب وتصنیفنده بوکی مزایا پکده اهل ایدیه من .
 بزم آکلادیغمز معنایه کوره واضح اولوق دائما سطحی اولمای ایجاب ایتدیکی کبی عدم وضوحده دائما حقیق بردرینلکی افاده ایتمز . برچوق مسائله شکل ، اساس درجه سنده حائز اهمیتدر .
 ایلك مقتصدلرده - دیقاردو خارج قالمق شرطیله - قلاسیق ذهنیتک آنارخی کنیدیلمرینک لهنه اولارق تجلی ایتدیکی کورییورز . ذکای بشرک برشاء اثری اولان ثروت ملل ، ده تصادف ایدیلان وضوح ، اعتدال وغایت متین برتسلسل منطقی بو ادعایمی اثباته کافی در .
 « قلاسیقلر ، ده حسن تاریخنک مفقودیتی ادعاسنه جواب اولارق سن سیمون واکوست قوننک فلسفه ترقی نظریاتی تورغو [۱] وقوندورسندن ملهم اولدقلرینی خاطر لاتمق کافی در . [۲]
 تکمیل بوايضاحات بزه کوسترییورکه ، اقتصاد ملی طرفدارلرینک ، قلاسیقلر قارشى اولان اعتراضلری یا تمامیه وارد دکل ویاخود لزومندن چوق فضله اعظام ایدلشلردر .
 قلاسیق اقتصادک هیئت عمومیه سی حقنده بر فکر بحمل در میان ایتک لازم کلورسه بوم - باورک ایله برابر دییه جکیزکه قلاسیق مقتصدلرک خطالری هر یکی تأسی ایدن علمده مشاهده ایدیلان بر نوع نشوونما خسته لغندن عبارتدر [۱] اقتصاد ملی پرنسیپلرینی برریر و تفرعاتیله تنقید نیتنده اولمادیغمز دن بومسلکه قارشى ، قارل منکر [۳] وپاره تو [۴]
 الخ کبی آچیقدن آچیغه معارض بولنانلرک حق مارشال [۵] آدولف واغز [۶] کبی معتدل طرفدارلرینک یابدقلری محق اعتراضاتی مسکون کچمک مجبوریتده یز .

[۱] داها زیاده تفصیلات ایچون هکتور دهنیك Histoire des Systems economique

برنجی جلد صحیفه ۲۷ و الخ وهاله وینک :

جلد ۲ صحیفه ۲۳۲ Radicalisme philosophique مراجعت اوله .

تورغو دییورکه « عصرلر بر سلسله علل و نتائج ایله یکدیگرلرینه مربوطدرلر و بلا انقطاع امتداد

ایدن بو سبب و نتیجه لر حال حاضر ی ادوار مقدمیه باغلارلر »

Extrait des grands Philosophie Foulé : ۳۳۰ صحیفه

Les doctrines économiques Gide Rist

La revne economique

[۲] صحیفه ۵۹۳

Manal déconomie poletique

[۳] سنه ۱۸۸۸ صحیفه ۵۸۰

Principe déconomie poletique

[۴] مدخل

Les fondements de l'économie politique

[۵] جلد ۱

[۶] جلد ۱ و ۲

نتیجہ یہ واصل اولاد ان اول اقتصاد ملی بہ معارض موقعندہ قالانلرک بعض یا کلش ادعالرینک اشتراک ایتہدیکمزی اوقاق برقاچ مثال ایله کوستردم :

مثلاً اقتصاد ملی بی منحصر آ برطاق سیاسی سبیلرله ایضاح ایتک دوغرو دکادر . یومسلکک بدایت تشککندہ برقوق سیاسی عواملاک اجرای فعالیت ایتدیکفی انکار ایتہدیکملہ برابر بزداها زیادہ بودو اترینک عصر مزہ حاکم اولان تکامل نظریہ سبیلہ ، فلسفہ مثبتہ و علی الخصوص حیاتیات علمک صوک سنلردہ کوستردیکی ترقی ایله مناسبتدار اولدیغنه قانغز . مع مافیہ دار دوشونجہلی « Sectaire » طرفدارلرینک قبول ایتدکاری شکلیله اقتصاد ملی نک غیر قابل مدافعه برحال آلدیغنی ده درحال علاوہ ایددم .

یوآداملر اکثریا خاصه ترکیب « Synthese » ودرینلرہ تفوذ قابلیتندن محروم بولندقلری ایچون ماضی و حال حاضرہ عائد وقایعی عادتا وقایع طویلالمش اولق ایچون جمع و منفرداً هیچ برمعنی افادہ ایدمهین بووقعه بیغینلرینہ « بلکه بویوک برسعیک محصولی اولدینی ایچون ! » عظیم براهمیت عطف ایدیورلر . بالنتیجہ علم اقتصاد ویاخود اقتصاد ملی بی یکدیگریہ غیر مربوط قراکق ، عینی زمانندہ نه تدقیقی مطلوب مسائلک حانہ فائده لی ونده هر هانکی مثبت برنتیجہ تأمینده صالح عادی بر معلومات کومه سی درجه سنه ایندیریورلر . داها آچیقجه سی بونلرک آئندہ بر اقتصاد کتابی کرک شکل و کرک روح اعتباریله آجینه جق عجیب بر حال آلیور . اخلاق کتابی میدر ، تاریخ میدر ، آنوغرافیمیدر ؛ فلسفہ میدر و حتی کیمامیدر نه اولدینی آکلاشیلما یور . انسان بونوع کتابلری بر زمان قاریشدیردقدن صوکره لاعلی التعین بر مسئله حقندہ واضح بر معلومات ایدیمکه موفق اولمان پک فنا ترتیب ایدلمش بر آنسیقلوبه دینک و بریدیکی اضطراب ایله کتابی قاپیور .

نتیجہ اقتصاد ملی ، مه تافیراق ، میستیک ، دوغما تیق عقائدون تجرد ایتسمیلہ متناسباً علم ساحه سنده بر موقع طونابیلیر . تصحیحی ایجاب ایدن دیگر بر مطالعه ده بالجمله عواقبیلہ ملیت فکرینک اون طقوزنجی عصرده دوغدیغنی قبول ایتہدیکمکر .

اون بدنجی واون سکزننجی عصرلرک حکومتلریله عصر مزک تمامیلہ ملی وده موقراتیک حکومتلری آراسنده عظیم فرقلر بولدینی ذکره شایاندر .

شیمدی به قدر عرض ایتدیکمز مطالعاندن حیقایله جک عمومی نتیجہ بی شو صورتله تلخیص ایدیورز .

مملکتہ ، علی الخصوص متفکرینک مزاجنه - شیدی تدقیقات طرفدارلرینک ادعالری

خلافت اوله رق بز انسانلرک مسالک فلسفی سنی تعیین ایدن اک قطعی مؤثر وعاملک مزاج (tempranheit) اولدیغنه قانیر (۱) - کوره تبدل ایدن مختلف مسالک واسطولک موجودیتلرینه رغماً نظری و تکنیک (تکسینکدن مراد معین بر علمک معین موضوعی تشکیل ایدن حادئاندر) مسالک حلی ایجاب ایتدیکی زمان همان بالجه مقصدلرک عینی اساسلرده طولاندقلرتی کوریورز.

یکدیگرینه تمامیه ضد مکتبلره منسوب مقصدلرک کتابلرده مسائل اساسیهی احتوا ایدن قسملرک بیطرفانه و دقتله قارشیلادیریلسی ادعایزنی اثباته کافیدر. بز بوقناعته استناداً؛ اقتصاد، اقتصاد ملی اقتصاد اجتماعی کیی (آلمانلرک اکلاقلری طرزده) مختلف ناملر آلنده یالکزر بر علم اقتصادک موجودیتنی وبوعلمک ایلریده داها مکمل وداها صاعلام پرنسپلره مستند بر علم نام حافی آلیامسی ایچون علی العموم علومک ترقیاتی تعقیب ایله حال تکاملده بولندیغنی ادعا ایدیورز.

داها عمومی بر نقطه‌دن محاکمه ایتدیکمز تقدیرده اقتصادی مکتبلرده، طبیعت روحیه بشر ایجابی تأسس و تقرر ایتش ایکی اساسی و یکدیگرینی اتمام ایدن تمایل کوریورزکه بری راسیونالیست (عقلی) دیکری (آمبریست) تجربی در. طبیعت بشر عظیم بر تحوله اوغرامادن بواکی مختلف مکتب آراسنده کی تضاد دائماً باقی قالاچق وبوشه‌سز بوانسانیتک منافعه اولاجقدر. عقل، طرفدارلریله وقعه مدافعلری آراسنده کی بو مناقشالک عصرلردنبری امتداد ایتکده اولدینی وزمان و مکان ایله مقید بر چوق اسباب دولایسیله بعضاً بواکی تمایلدن برینک دیکرینه غلبه ایتدیکنی بزه تاریخ علوم وفلسفه کال صراحتله کوستریور. بناء علیه بوجریانلردن برینه، دیکرینک زیاننه اولارق مطلق و قطعی بر قیمت عطف ایتک بکده دوغرو دکادر.

ایوم علم اقتصادده راسیونالیزم جریانی نه‌و - قلاسیق اسمنی طاشیدیان ومکتب روحی وریاضی ناملریله ایکی شعبه‌یه آیریلان بر مکتب سالککری طرفدن تمیل ایدلمکده در. آمپریزم ایسه، اقتصاد ملی طرفدارلرینی ده احتوا ایدن مکتب تاریخی ده اک قطعی شکلله تجلی ایدیور. بک یقین زمانلره قدر تاریخی شکلله آمپریزمه همان اکثری مقصدلر تمایل بولینیورلردی و بونک بویه اولسی قلاسیقلرک تأثیریه شاییدن ایجه اوزاقلاشان ذهنلری وقایعه داها یقیندن تماسه - ووق ایتک ایچون بک فائده‌لی ایدی. فقط بوغایه‌ی

تأمین ابتد کردن صوکره وظیفه سنک حدودی تقدیر ایدمه مهین آمبریمزم ، در حال ، برچوق طرفدارلرنده ضروری برعکس العمل وجوده کتیدی .

ایشته موضوع بحث اولان نه تو - قلاسیقلر بو عکس العملدن دوغمشلردر . [۱]
و کون بکون توسیع دائره ایدمه رک اقتصاد ملی نک محل ولادی اولان آلمانیا ده بیله تأثیرلری کورولمکه باشلامشدر . [۲] روش حاله و نامدار برچوق مقتصدلرک مطالعه لرینه نظراً ، عکس العمل قانون عمومیسنک نتیجه طینییه سی اولارق نظری ذهنیتی احیایه میال بومکتبک استقبالک علم اقتصادنده حاکم بر موقفی اولاجنی یک محتملدر .

بزم مملکتک کانجه : مسئله یی نظری و عملی دییه ایکی قسمه تفریق ایتک لازم کلیر . هر مملکتک سیاست اقتصادی سی سویه اقتصادیه سنک ایجاباتنه کوره تعین ایتسی ضروریدر . یاییلاجق شی مملکتتمزک هانکی دوره اقتصادیه ده یاشادینی ، سوز و فرضیه ایله دکل ، علمی معلوت و احصایاته کوره و تقدیر و تعین ابتد کردن صوکره ، سائر مملتلرک تاریخ اقتصادیلرندن استفاده و اقتصاد نظرینک اورتیه قویدینی اساسی پرنسپلری کوز اوکنده طوته رق خط حرکتیزی بو شرائط داخاندنه تعیندن عبارتدر .

[۱] بو مکتبک الک ایلری کلن مثللرندن بری اولان پروفیسور قارل منکرک علوم اقتصادیه ایجون تصور ایتدیکی عمومی بر سیستمی نقل ایتک صورتیه مکتبه دائر بجل بر معلومات و بر مکی قائده لی عد ایتدک . قارل منکرک علم اقتصادی بروجه آتی اقسام اساسیه یی آیریپور :

« اقتصاد ملی ایله علاقه دار علوم تاریخیه : احصائیات اقتصادیه لر ، تاریخ اقتصاد . بولردن برنجیسی معین و محدود بر ساحه داخاندنه مشخص « concret » بر ماهیتی حائر اولان حادثات اقتصادیه یی statique بر نقطه نظر دن تدقیق ایدر . ایکنجیسی ایسه ، مذکور حادثاتی کچیردیکی تکامل دوره لرینه نظراً تتبع ایله بولر آره سند بر وحدت تأمیننه چالیشیر .

۲ — حادثات اقتصادیه نک فورمولوجیسی : وظیفه سی شأیته توافق ایدن اقتصادی حادثه لری جنس نوع اعتباریه تصنیف و بولردن انموذجلر (مشابه حادثاتدن مرکب مختلف غروبلا آراسنده کی مشترک خطوط مواصله یی تصویر ایتک) تشکیل ایتکدر .

۳ — حادثات اقتصادیه نظریاتی : اقتصادی حادثه لرک تابع بولندقلری طبیعی قانونلری تحری و ایضاح ایلر .

۴ — تطبیق علوم اقتصادیه : علم اقتصادک حال حاضرده واصل اولدینی درجه کاله نظراً معین نقاط نظر اقتصادینک قابلیت تطبیقی تأمین ایدن پرنسپلری کوسترر . «

[۲] برلین دارالفنون معلملرندن ، متوفی آدولف واغنر مفرط اقتصاد ملی طرفدارلرینک خطاری تعداد ابتد کردن صوکره :

« برکون آلمان علمنکده بو حقایق تقدیر ایدمه جکنی و یکی آوستریا مکتبک (که بو مکتبک نه قلاسیقلری احتوا ایدر) و بالخاصه دیجلرک بوکا موفق اولاجنی « سویله پور .

نظری یعنی منحصر آ عالم نقطه نظرندن محاکمه ایدمک لازم کلیرسه ، آجی بر حقیقت اولمله برابر اعتراف ایتلی یز که بز هنوز فلاسفیق مقتصدلری بیله حقیله اکلایمقدن عاجز بولنورز .

زیرا ، تعبیر مخصوصیله مختصر و مفید کتابلر او قومغه آیشغز . مفصل کتابلری او قومق ایچون زمان ایسترمه نظام و دواملی چالیشمق ایسترمه قالدی که فلاسفیکلردن صوکره کلن و اطرافله احاطه ایدیله بیلملری تاریخی ، اجتماعی فلسفی ، معلومات واسعه یه احتیاج کوسترن اقسامی اکلایم :

اقتصادلی طرفدارلرینک پک اهمیت و پردکاری بر مطالعه یه اشتراک ایدرک حال حاضری آییجه بیلیمک ایچون ، ماضی یی بیلیمک لازم کلدیکی حقیقی یالکیز ملی مؤسسات اقتصادیه نک تدقیقنه حصر ایتیه رک عمومیتله عام اقتصاده تشمیلک دوغرو اولاجنی فکرنده یز .
اقتصاد مدرسی

محمد منیر

